

酌
中
志



酌

心三



夕身經營
第十二

王體乾下管文官人薛光祚天壽某陵掌印今間

仔 曾任文書 間住逆賢陞玉為正陽門提督

十一月陞秉筆今間住趙本政曾任乾清

宮管事尚衣監印日在御前後為李永貞所忌差

往高橋督修闕帝廟工程今上登極復管事間住劉

文忠曾任文書房間住又任大同監視謫南京後為

民已上三人俱文書房掌文書寫字出身李晉正陽
門提督天啓四年夏逆賢陞晉秉筆間住並田玉等
三人俱於崇禎十二年籍沒休乾時株連下刑部獄
十三年冬體乾庾死十四年夏晉等四人遇赦
伊元軍本政已斷葷酒皈依釋氏居然一頭陀也
何失其名陳失其為號文軒失其名鮑永吉曾任
暖殿退山因籍沒休乾時馬鮑二人逮東廠俱被督
廠李太監承芳刑斃於獄其司禮監名下則田維曾

任典簿護送桂藩之國今閒住樊秉忠張宗素等若
干人也凡在先帝御前牌子如高承壽任昇等不脩
載也逆賢下管文書房念本章念東廠事件寫各邊
諭帖等項官人劉榮曾任兵仗局管理在局居住今
苗全曾侍李太監浚及先監矩後任懋勤殿煖殿
宮內教書又侍宋太監晉劉文正今故紀用曾任遼
東鎮守錦州蘓雄原係文書房掌文書出身今故陳
福壽原係文書房出身掌文書在鐵獅子榭榭住夏

鑑曾任宮內教書入門日淺遠不及蘓陳二人也李朝欽今故裴有聲降發南京今爲民李失其名別號秀才馬陞原是文書房捧匣出身別號馬長子曾任新司總理今發南京改爲民諸蠻子江口人失其名其司禮監名下則趙秉彞孟忠金良輔劉應坤石元雅徐文輔孫進王朝輔揚國瑞蘓應宣立洪緒李守贊李應詔劉興等若干人其在先帝御前做官掌各衙門印及外方鎮守者俱畧載逆賢羽翼歎中梁

棟下管文書官人趙奉馮失其名司禮監名下翟國禎等若干人也李永貞下管文書官人孫光祚原文書房寫手出身今侍王公文政吳有兆曾任乾清宮牌子今改劉若愚今繫獄擬斬後蒙改絞今在獄丁呂內官監管理大工領勅有名今侍司禮監掌印高公時明賈如臯等俱曾與劉若愚打發永貞批文書或効輪流抄謄之後者也其掌家則王成德崇禎元年六月追贓畢降更鼓房淨軍今故石元雅下掌

家許秉彞曾任內官監管理天啓七年冬降淨軍發
鳳陽陳應祥號雲麓今見侍廠王公允祚今陞乾清
宮管事黃國祥曾任文書房間住故餘不知姓名徐
文輔下管文書官人劉秉德曾任暖殿今退出張國
寧曾任管櫃子近侍今侍金公忠殷良弼曾任宮內
教書今侍掌印高公時明故餘尚二三人不記名姓
也凡點將等三錄有名或密帖有名之人遇陞官或
叅官本內有名者則自乾清宮大殿內發下片紙各
直房官人即於進士履歷及縉紳便覽查寫是誰門
生父是誰那里人那科出身抄帖回報以聽施行一
日欲處錢受益以爲錢謙益之昆仲也又一日欲處
黃願素以爲黃尊素之昆仲也各直房執事官細查
貫籍父母姓名逆賢始知其不相干方已凡每日票
本奏下各秉筆分到直房即管文書者打發本管公
公一本一本昭閣中原票用硃筆騰批事奏過纔發
行此係皇祖以來累朝舊規非止今日一家一人如

此也自李朝欽裴有聲馬陞余文輔丁紹呂賈如臯
許秉彞陳應祥殷良弼諸人俱於各直房曾見過甲
子冬魏廣微黑筆所點縉紳便覽及親筆所寫應起
用黃克績等六七十姓名並乙丑之後崔呈秀所遞
東林姓名天鑒錄點將錄同志錄各摺子姓名者也
其摺子五六種俱永貞卧房內收非若愚等掌管也
如諸摺字姓名並墨筆所點縉紳便覽果出自永貞
若愚捏造便駢戮所甘但寔自外廷遞入若愚以猜
防疎斥之人効輪流抄謄賤役始則懸坐曰左使後
復懸坐曰加功至崇禎十四年春遇皇恩大赦於大
理寺會審明白蒙內閣苑註若愚有詞復遺落
姓名不覆反將撒潑狼罵之石騰鵬爲首打滾放刁
恣肆混鬧之申得忠增入此二人者似皆不曾註有
詞者也乃俱狡潑得生可謂有天日王法者耶

本章經手次第第十三

凡每日通政使司封奪到文書房回知該正公公即
付掌文書周近侍進朝等拆開口占註語畧節旁有
寫手一人執筆草稿文書草畢連本付捧匣者如侯
保山李黑子張大漢等失其名請本至乾清宮大殿
內付王體乾梁棟李永貞石元雅徐文輔分投互看
凡有要緊處即鈐濶一寸許白紙條復於本上下空
紙處用指甲搯一痕有應闕白逆賢者永貞三人爭

先朗誦體乾助爲講解逆賢聽畢方公同商議區處
遵奉南樂相公及崔呈秀等密遞姓名着數行事每
日閣中封來票本亦文書房拆開呈體乾等照前分
投互看如不合逆賢意有應改者及本內有錯字或
稱頌逆賢該出溫旨者亦各鈐紙條插痕爲記又每
日申時後會極門接得寔封文書文書房轉呈體乾
等亦先於大殿拆開看如遇有涉前項密遞線索姓
名亦各鈐紙條插痕爲記以便次日早奏請施行除
體乾等五人之外絕無人敢擅插痕鈐紙條者其紙
條於傳票改票時即除去而凡插痕之本今存各科
者可驗也已上通本票本乃晝間事惟會極門封本
雖衆官大殿內看過尚恐未遍未詳捧匣者又自日
暮爲始先到日精門體乾直房次到西南攏角逆賢
直房次過月華門到梁棟直房到石元雅直房到涂
文輔直房次再過仁蕩門到李永貞直房各家都有
經管文書識字官人如若愚之類者立于桌傍一本

一本打發各家本管公之細查看或延至二更三更始完惟在文書多寡何如捧匣者官中亦有直房一間每日晚間膳房例給酒食供給每夜文書看完方由仁德門縫叫應門外官人將門縫拭淨裏外各執燈籠查數遞出呈文書房該班衆公之看過仍交與掌文書周近侍等并寫手官人從新燈下開寫停當於五更攢點頭次宮開又都將是日早事應奏文書捧至日精門俵乾直房復加查看通本若干票本若干批紅該發若干比至天將明仍復全到是日該正秉筆直房亦查看一周每晨奏先帝覽文書時逆賢永貞元雅文輔先將應處應點姓名及應改票帖俱換體乾口奏曰萬歲爺某係門戶該處某票某字該改或從史先帝御筆親改惟梁棟不經管魏廣微崔呈秀等言而逆賢不識字從來不批文書不輪流該正然頗有記性只在御前贊揚附和植黨徇私或危言冷語挑激聖怒凡奏文書之時管事牌子皆屏息

遠侍不敢近前至于一本一本口奏姓名黨逆朋比者王体乾也幫助逆賢查姓名者李永貞石元雅余文輔三人也其秉筆梁棟孫進郝隱儒俱不能干預一字也其替逆賢執掌收藏姓名原本及外來稞帖者李朝欽而造謀殺命秘遞線索害人者魏廣微崔呈秀也一切削奪勒限追賊諸嚴旨皆內閣顧秉謙等票擬非中旨也見有閣中底簿中書官可證也擠蒲州烏程聊城者南樂也擠南樂者又崔呈秀也詔獄鍛鍊承指下手者許顯純也謀興大獄私圖報復者崔呈秀徐大化霍維華等也殺義僕韓三欲構成賄案牽連蒲州者楊維垣等也維垣雖以中旨起官而未甚大者因為替座師徐紹古攘戶部左侍郎缺為南樂銜之而曾向逆賢請之也危哉狠哉至今言之猶令人色變心顫按南樂既罷相臨行時亦具厚禮於逆賢體乾等且扇上親寫詩曰秋雨沉沉夜未央薊門有客欲還鄉關心廟社愁先結洒淚君臣念

不忘蒼狗白雲仍變幻傾葵捧日但悲傷故人回首
雙龍眼遠離思隨從潞水長及抵里仍各以厚餽弥
縫之恐呈秀等下石也

客魏始末紀畧第十四

魏忠賢原名李進忠直隸肅寧縣七賴子也父魏志
敏母劉氏妻馮氏生女魏氏嫁楊六奇者是也賢無
子家貧自宮妻改適他方人不存萬曆十七年選入
隸司禮監秉筆掌東廠太監孫暹名下派與御馬監
劉吉祥焯管劉之墓今在碧雲寺下北山坡者是也
後復本姓曰魏進忠中官規矩本官者視甲科之大
主考焯管老叔者視房考同官者視同門本官之於

名下昭管之於姪子猶座師之視門生亦若父子為
忠賢少孤貧好色賭博能飲啗嬉笑喜鮮衣馳馬右
手執弓左手教絃射多奇中不識字人多以傻子稱
之亦擔當能斷惟猜狠自用喜事尚諛是其短也素
好僧敬佛宣武門外柳巷文殊菴之僧秋月及高橋
之僧愈光法名大謙者乃賢禮之名衲也如碧雲寺
僧則酒肉勢利不足齒矣徐應元亦孫暹之名下也
與賢同年神廟時四川稅監立乘雲係暹掌家又徐
貴者亦暹名下於賢為前輩而為乘雲在京掌家逆
賢實與應元趙進教為嫖友呼盧飲博罔論晝夜逆
賢因囊橐乏遂遠赴四川見乘雲為抽豐計徐貴偁
將賢亡賴狀已由報房中先布之賢不知也及到立
大怒訶罵倒鎖賢空室中絕食飲欲斃之時僧秋月
遊蜀偶見立是時賢不食已三日僧力為勸解立勉
從之僅給路費銀十兩遣回僧憐賢仍為致書馬謙
囑令厚遇之謙以嘉靖四十一年選入歷陞內官監

總理又皇貴妃鄭娘。下宮人林廷宦女謙所侍也。最有時道凡賢困乏謙每資助之徐貴又在京具揭先監處以魏某私往四川云云乞行重治亦賴謙救止之賢自此在甲字庫漸裕掌庫李宗政賢之前輩也光廟在青宮淡薄先帝既誕之後生母才人王老娘。無人辨膳賢遂夤緣入宮辨才人娘。及先帝之膳其介紹引進者近侍魏朝乃王太監安名下光廟久寵信之安素剛正主持一宮事魏朝朝舉賢

安爲朝所惑頗信之朝初與先帝之乳媪客氏暗相厚所以侍安及荅應光廟多不暇而賢遂乘間亦暗與客氏相厚分朝愛爲賢性狡猾指稱办膳爲名於十庫諸內臣如藥張等皆騙其食料醢醬或財物玩好以至非時菓品花卉之類必巧營取之而轉獻光廟先帝以固寵也及才人娘。崩東李老娘。位列在前時西李老娘。擅專宮之寵固要光廟奏請神廟又密懇皇貴妃鄭老娘。奏請神廟將先帝托西

李老娘之看管又今上已屬看管并西李老娘之所
生皇八妹者共乳媪三人在宮客氏原先與魏朝厚
既暗與逆賢又厚一穴兩蛟爭競必至而朝之爲人
也佻而踈賢之爲人也慙而壯泰昌元年八月初一
日光廟登極擬冊立先帝爲東宮是時逆賢列庫銜
暗與客氏深謀遂相與刻意擁戴王太監安而客氏
又巧逢迎之無不可者遂充東宮典膳局官此客氏
力也九月初一日光廟升遐先帝暫居慶宮科臣
楊璉時爲給諫疏叅及逆賢之無措泣懇魏朝之在
王太監前力營救之遂得旨着司禮監查明具奏賢
先年原名李進忠遂將西李娘之下用事之李進忠
算作一人以欺外廷其實皆朝力也朝與賢既客氏
私人曾結盟誓爲兄弟賢居長而朝顧次之稱曰大
魏二魏及先帝即位數月兩人因寵漸相媚嫉於乾
清宮暖閣內醉罵相讓時漏將丙夜先帝已安寢而
突自御前閃起司禮監掌印盧受東廠鄒義秉筆王

安李實王休乾高時明沈蔭宋晉等皆驚起是時逆
賢已陞秉筆掌惜薪司印魏朝已改名王國臣陞乾
清宮管事掌兵仗局並跪御前聽處分盧受鄒義等
侍側衆咸知忿爭由客氏起也先帝玉音問客氏曰
客奶你只說你處心要着誰替你管事我替你斷客
氏久厭國臣猥薄而樂逆賢慙猛好武不識字之人
朴寔易制遂心向逆賢而王太監安久中客氏逆賢
諛媚且心惡名下之人作此醜態遂打國臣一掌勒

令告病往兵仗局調理離御前矣此時逆賢尚名魏
進忠始得專管客氏事從斯無避忌先帝端拱於上
惟客魏之言是聽而尾大不掉之患成焉後國臣被
斥逆賢矯旨發鳳陽在逃復於薊北山寺中搆獲使
人於中途邀截至獻縣縊殺之按國臣保衛先帝聖
躬最先曾共卧起頗著勞及登極後晉秩貴近御筆
改復姓賜名特掌美印受寵眷不在賢下嗟哉王太
監安何不留國臣以制逆賢或不然就將賢與國臣

坐以驚御之罪而一併先黜侯大婚禮成優客氏以
金帛而亦黜之外監何明於防西李老娘之垂簾
而昧於防客氏之媼橫也嗚呼知經而未知推耶抑
拘理而寡於術耶奈何自剪爪牙束身入井殃遺身
後禍及椒紳王夷甫諸人真不能辭其責矣千古之
下有餘痛也初天啓元年四川稅監竝乘雲撤回京
賢差外司房李茂春號完素者遠迎至畿南竝賞銀
三十兩李先入隆宗門外直房回話賢爲之落淚曰
我先年被徐貴譖害止給我十兩盤費今賞你如此
便三倍我了歎息者久之其後徐貴竟爲賢所害而
竝之令終復賴賢喪葬如禮中外榮之初祖宗舊制
於乾清宮東設房五所西設房五所係有名封大宮
婢所住所以正名分嚴等威也泰昌元年冬客氏遷
乾西二所先帝親臨爲之移居陞座飲晏鐘鼓司官
竝印芻扮戲承應司禮監盧受鄒義守居而王安王
體乾高時明沈蔭宋晉隨侍另設吃膳處於所內側

室猶孔聖之有四配為客氏自此在宮中乘小轎撥
內官近侍招走儼如先帝嬪妃之禮缺一青紗傘蓋
而茵褥精美為最勝也天啓元年後改住咸安宮各
衙門答應錢糧比御前更喫緊夏則大涼棚水無筭
也冬則大地炕炭無量也其驕奢楷踰真日異而月
不同凡客氏生日先帝亦必臨幸陞座歡宴賞賜無
限每日先帝所進之膳皆客氏下內官造辦名曰老
太家膳聖意頗甘之舊制司禮監掌印掌東廠秉筆
大膳房遵祖制所造辦之膳酒乃只為具文備賞
用而已希進御也初王休乾宋晉魏進忠三家每月
挨辦膳天啓二年進忠改名忠賢四年以後便是王
休乾魏忠賢李永貞三家輪流辦之遇閏月則各四
十日筭之惟客氏常川辦共四家矣每家經營造辦
膳羞掌家等官數十員造酒醋醬等項并葷素各局
外廚役將數百人此紫禁城之外者至於乾清宮以
內則每家各有領膳暖殿四員管果酒暖殿二員請

膳近侍四五十員已上皆穿紅者也又司房管庫房
湯局葷局素局點心局乾碟局手盒局涼湯局水膳
局舖膳局管柴炭及招膳又共內官百餘員若愚係
永貞項下管文書兼管膳掌班欵賞花名可證也此
皆係外衙門穿青官人也按先帝所進之酒曰秋露
白曰荷花蓋曰佛手湯曰桂花醞曰菊花漿曰芙蓉
液曰君子湯曰蘭花飲曰金盤露等名色可五六十
種皆先朝舊戒臣魏士望傳方佐逆賢外宅造办而
轉於御茶進之大工告成陞士望王帶寔酬其醞釀
力也按御茶房職司上用茶酒間雜人無敢輕入者
逆賢擅政自王体乾起至暖殿近侍止俱得私向茶
房索酒喫而荅應客氏逆賢体乾等器具匙筯如私
人為又弓箭房者秩次之亦皆客魏私人所據司御
前弓矢以備非常逆賢善射好蹴鞠跑馬先帝好馳
馬好看武戲又極好作水戲用大木桶大銅缸之類
鑿孔創机啓閉漙輸或湧瀉如噴珠或漸流如瀑布

或使伏机於下借水力衝湧擁圓木毬如核桃大者
於水湧之小大盤旋宛轉隨高隨下久而不墮視爲
戲笑皆出人意表逆賢客氏唱采贊美之天縱聰明
非人力也聖性又好蓋房凡自操斧鋸鑿削即巧匠
不能及又好油漆匠凡手使器具皆御用監內官監
辦用先帝與親暱近臣如徐文輔葛九思杜永明王
秉恭胡明佐齊良臣李本忠張應詔高永壽等朝夕
營造成而喜之不久而棄之而又成不厭倦也且不
愛成器不惜天物任暴殄改毀惟快聖意片時之適
當其斤斲刀削解服盤磚非素暱近者不得窺視或
有緊切本章体乾等奏事奏文書一邊經營鄙事一
邊傾耳注聽奏請畢玉音即曰你們用心行去我知
道了所以太阿之柄下移南樂薊州東光輩及在京
之徐大化等一派線索如抱鼓之提應也先帝每營
造得意即膳飲可忘寒暑罔覺可惜玉体之心思精
力盡費於此然皇極等三殿落成於天啓之年肯堂

肯構先帝之好土木豈亦天啓其朕兆耶抑逆賢之
幹濟才智刻意督催之迹或藉此以難泯耶按萬曆
中年乾清坤寧兩宮告成神廟命正一真人張國祥
率道侶數十人於宮中啓建黃籙大醮聖誠格天曾
感群鶴飛鳴旋遶之瑞至皇極寺三殿告成逆賢等
只圖廕賚爲己榮耳又祖宗舊制凡萬歲聖節中宮
千秋皇貴妃千秋則凡內執事宮人并王休乾等及
山陵寺處內官各有賞例每銀一兩以上六年十月
初六日值中宮張娘千秋遶先帝欲幸內教場圍
獵聖性最好手刺獐狼狐兔以爲樂是日張娘不肯
肯出廷至辰時以後方始同出止畧散銀枝筒竟累
年未批賞非舊典也逆賢生於戊辰正月晦日旬元
宵節後送壽禮者做法事祝延僉字者每早乾清宮
西丹墀幾滿將至正日綬帶擠擊挨摩之聲鏗然聞
有擠傷衣帶腿足者千歲千歲之聲殷訇若雷而
從來盈滿驕橫光景未之有也逆賢早起漱口自擊

銀漱盂之聲盦力大響即宸居咫尺了不畏也緋袍
玉帶充滿道路高明之家鬼瞰其室盛衰平陂理何
逃焉逆賢自泰昌元年冬陞秉筆者凡不識字而躡躋
秉筆者穆廟時孟冲神廟時張明先帝時魏忠賢孫
進王朝輔等數人而已天啓初年逆賢即掌惜薪司
內府供用庫尚膳監印提督寶和丁店天啓三年十
二月掌東廠前後獎勅數十道溫旨無算也七年十
一月廿六日准告病十二月初二日降卒軍發鳳陽
初六日行至阜城縣南閔夜半與心腹名下李朝欽
同縊死於旅店崇禎元年二月十一日該御史卓邁
等遵奉明旨將逆賢原尸磔之梟首於河間西門之
外天下快之猶恨其不生正典刑也凡司禮監掌印
秉筆非奉公事不敢出王忬乾提督禮儀房四仲之
月得奉差選妳日寅出申回不至過宿只曾往京北
沙河故里祭掃始過一宿天啓元年二月逆賢雖出
外尚未敢數尚未敢遠至四年以後外廷暗約羽翼

已成仗客氏王体乾李永貞石元雅涂文輔在內遂
遠至涿州等處天壽山春秋二次祭孝和王老娘
畢即詣西山碧雲寺祭本官孫暹及昭管老叔劉吉
祥墓或遠至瑠玕河看工祭水或至大壩馬房相度
修城無非巧立名色招搖畿輔以恣馳騁明得意耳
凡出外之日先期十數日允治儲侍於停驂之所齋
帶賞賜銀錢絡繹不絕小民戶設香案挿楊柳枝野
花焚香跪接冠蓋車馬繽紛奔赴若電若雷塵障天
而聲動地有狂奔死者有擠踏死者燕京若干大都
人馬顧賃殆盡凡達官戲子蹴鞠厨役打茶牢役趕
馬招槓之人其數不止數萬每遇逆賢遠出則京中
街市寂然空虛頓異尋常者將數日為大約外廷之
欲親炙逆光內廷之獻諛乞憐者凡四人之轎將數
百乘矣怒馬鮮衣束玉而為之前後追趨左右擁護
者又百千餘矣跑馬射響箭鳴鏑之聲不絕于耳鼓
樂笙管數十餘簇且行且奏夏則大車載冰冬則炭

火如山古今所罕見也逆賢坐八人大轎前用騾二頭或四頭拉拽之疾如飛鳥逆賢飽則正坐倦則卧醉則憑軾两眼迷離不知行至何處也畿南一帶素苦泥濘難行賢爲之損資修築廣建橋梁提若長虹至今便之凡御前有本有要緊之事先時專托劉崇紀用涂文輔等後則托之李永貞石元雅涂文輔等各派能幹之人站馬疾馳即百里之遠一日可再往也都城東有故監劉永成之墓寧晉伯之伯祖也逆賢曾便道一展拜而奏請新之此時魏良鄉尚未封伯蓋私視其規模爲良鄉封伯計耳逆賢有名馬千餘騾數百皆邊弁梁柱朝楊國棟馬世龍滿桂侯世祿尤世威及督臣王象乾閻鳴泰劉詔等送之楊國棟者逆賢名下牌子曹承恩之妙夫也梁柱朝者逆賢名下暖殿胡國用之姪婿也凡所送之馬鞍韉精好每具何止百餘金不過剝軍餉占軍匠以办之爲一已功名地可嘆可恨其後李永貞出外往西山北

山通灣亦如逆賢之疾行奢侈而馬亦多跑死其兩
况暴殄不恤下情更甚于逆賢也凡体乾逆賢永貞
元雅文輔出外而林下大老公如高如沈如米各有
重犒之禮以諛之槩不收也崔呈秀素與許秉彝契
厚如同胞始得與逆賢結交秉彝力也又有李魯生
李蕃先掃高樂之門後入涿州之幕見涿州不能久
任則又與崔呈秀比焉首行贊美重修肅寧城垣者
呈秀也誇詡大壩城垣者巡青之李魯生也因媚賢
而又媚求貞著通州造扁送至求貞富河莊胡老人
等未敢懸掛求貞拒而不納人皆笑而鄙之者李蕃
也永貞之姪李之旺得考入通州學入丁郊北圍試
應者蕃力居多與逆賢閣家看風水推星命規造墳
地府第妄言禍福無所不至者方弘廕也書寫圍屏
扇畫者袁志學許周賓揚善等也書寫皇極等殿文
昭等閣牌額者顧承宗顧名遠也凡逆賢一應辭恩
廕等項奏本者心腹外司房李茂春或東廠外寫字

掌班 良臣孔應鰲劄稿李朝欽念與逆賢聽有不
合意處賢投意朝欽改正寫真則東廠閔司房等也
逆媪客氏者定興縣民侯二之妻生一子曰國興娶
不多年泰昌元年冬封奉聖夫人先住乾西二所後
住咸安宮每日天將明即至殿內侯先帝聖駕醒始
至御前甲夜後回咸安宮其鳳彩門亦有直房凡逆
賢往宮相見時必將宮人官人屏開語秘不得聞然
上危中宮皇后及裕妃張娘等獨用王体乾殺正
太監安王國臣等皆客氏造謀也其母老矣彼時尚
在每以惜福持滿戒勸客氏不聽凡客氏于天啓元
年某月間中旨慰留者皆体乾力也七年九月初三
日奏懇今上准歸私第其夜五更開宮門之後客氏
棄服赴仁智殿先帝梓宮前出一小函用黃色龍袂
包裹云是先帝胎髮瘡痂及累年剃髮落齒剪下指
甲遂痛哭焚化而出至奉旨籍沒步赴浣衣局于十
一月內欽差乾清宮管事趙本政臨局笞死發淨樂

堂焚尸揚灰其子侯國吳伏誅其弟客光先止擬遣
戍客氏掌班內官張貴劉失其名名下崔祿許國寧
寺各行賄得免客氏貴顯時惟王体乾者奮魏忠賢
表裏梁棟舊人允送禮時棟僅下小的帖然都不叩
頭自孫暹王朝輔劉應坤李永貞石元雅徐文輔及
掌事牌子劉忠王應科胡明佐寺每日見必叩首如
子姓為夫以乳媪儼然在宮自視為聖上八母之一
亦僭妄殊寵極矣且倏出倏入人多訝之道路流傳
訛言不一尚有非臣子之所忍言者皆不足信也按
自天啓元年起至七年止凡客氏出宮暫歸私第必
先期奏知先帝傳一特旨某月某日奉聖夫人客氏
往私第去云云至日五更欽遣乾清宮管事牌子王
朝忠或徐文輔等數員及暖殿數十員穿紅圓領玉
帶在客氏前擺隊步行客氏自咸安宮盛服靚粧乘
小轎由嘉德咸和順德石門經月華門至乾清宮門
西一室亦不下轎而徑坐至西下馬門允弓箭房帶

簡管櫃子御司房御藥房請小轎管庫近侍把牌硬
弓人等各穿紅蟒衣窄袖在轎前後擺道圍隨者數
百人司禮監該班監官典簿掌司人數等文書房官
咸於寶寧門裏跪叩道傍迎送凡得客氏目視或領
之則榮甚矣內府供用庫大白蠟燈黃蠟巨燃亮子
不下二三千枝轎前提爐數對燃沉香如霧客氏出
自西下馬門換八人大轎方是外役擡走呼殿之聲
遠在聖駕遊幸之上燈火簇烈照如白晝衣服鮮麗
儼如神仙人如流水馬若遊龍天耶帝耶都人士從
來不曾見也每年不論冬夏或出三四次不止客氏
到宅陞廳坐自管事起至近侍止挨次叩頭老祖太
千千歲之聲殷然震天各有回答銀幣以犒酬之凡
欽賜金銀錢幣不可勝計每日三時輟御膳以賜者
絡繹旁午或在外住十餘日不等而逆賢催入焉出
入皆於五更其迎接圍護前如客氏私第在正義街
西迤西蓆市街北而逆賢亦有一第便在街南斜對

門不遠賢與客氏滿望後來得請林下受享富貴齊
眉到老不料賢姪良卿客氏男國興乃駢首戮於市
蓋裕妃張娘王太監安楊左等慘死冤魂必不肯
默々寂然於泉下也古今報應誰肯饒過誰哉初賢
在西庫與孝和老娘办膳時便漸饒裕而良卿執
掌上房庫房鎖鑰凡酒漿食物出納勤渠聞良卿雖
不曾讀書而儀表堂々亦善說話侯國興少受業于
徐文輔肥蠢異常口甚小而神不足坐則眈睡氣息
動々或與人共坐未及欠伸而已入夢鄉矣此二人
形狀累臣一面未識一字未通至于崔呈秀更不曾
識面交通者也夫如是而懸坐曰同謀非忌者石而
何耶冤哉事久論定自有公評必難哄天下後世也
客氏住咸安宮時先帝賜名下官人如崔祿許國寧
外尚數十人以至各衙門投托私人將數百焉又賜
近身答應宮人十餘口及今上准歸私第之初而徐
應元尚踵故套每日輟御膳賜之錢幣銀兩已不能

如先帝在日其隨往私宅尚有賜過宮女四口後不知歸于何處客氏墳地在京西之田村今已拆毀逆賢墳地在碧雲寺所費甚鉅及各處生祠逆像並廢毀無遺良鄉國興等誥券盡行追奪逆賢妻馮氏止生一女嫁楊六奇而馮繼先者其妻族也逆姪魏良材曾廕都督先逆賢死良材非魏家子乃南方買來小廝爲逆賢所受冒魏姓而膺廕也傅應星者逆賢親姊夫魏氏之子也天啓七年五月病死又惜薪司

內官劉欽其名者逆賢生母之族弟也因歐傷僧命法司追理遂奏知先帝拏赴更鼓房勒令自盡魏良鄉的係逆賢之姪非子也由光祿寺署丞改廕金吾歷升伯侯公爵代先帝郊天園立七年孟秋代享太廟代填祝版榮寵極矣先是閣中曾擬獎勅休裁臚列與曹操之九錫文相近見者無不瞪目咋舌無惑乎人疑其朶頤大物然逆賢實無其心寔非其人也但彼不學無術甚于霍光客氏狠毒浮于妻顯害裕

妃等慘于許后良鄉寺驕奢擅寵遠過山雲本靠徐
應元爲接手後勁而應賢另具別腸矣託李永貞石
元雅徐文輔爲眼目而未貞文輔但知擁戴應元甘
悖逆賢如遺迹矣視外廷崔徐揚霍諸人欲同劉歆
華子魚輩而妬寵互爭一敗塗地不可收拾矣世有
生來好殺人好殺貴人又偏聽縉紳以廣殺縉紳正
人而欲得令終于牖下豈理也哉從來叛逆者首惡
真犯正法凡幼小無知者咸另議處天啓年間爲妖
蓮寺犯有懷抱嬰孺赴市曹駢斬尚眈睡懷抱中未
醒者市人嗟嘆孺子何辜逆賢客氏既以慘殺佐先
帝惟痛在宥七年之久中宮張娘、寺凡誕皇子三
位皇女二位皆保衛不得法以致嬰年薨夭良可悲
痛逆賢之死而剝骨豈不有天道哉纍臣于天啓丁
卯冬謫南之際見沿途田里間孩兒多愁、壯、易
得存養遂條纂保衛淺言一冊計十款于崇禎戊辰
仲春梓行南北無非爲聖子神孫詳計久遠即士庶

人家亦用得着者也

逆賢羽翼紀畧第十五

李永貞者通州富河庄民李經之子也經原寶坻縣人僑寓於此先娶高氏生長男失其名流落不知何往次男李奉三男李成又生一女嫁皮村李家今娶矣高氏故繼室者申氏也生第四子失其名少與永貞聞墻遂輕生自縊於房後枣樹上永貞第五子也自五歲時鬻為宦者十五歲進京侍孝瑞顯皇后之母夫人趙氏於永年伯王棟宅中十九歲選入皇城

時萬曆辛丑六月也七月內即陞坤寧宮近侍又一年經故永貞原名李進忠於萬曆三十一年即奉旨墩鎖頻遭譴責幾賜死者數矣先監曾力救之後始奉有遇赦不赦之旨至庚申七月二十一日奉神廟遺旨釋放復原職近侍于坤寧宮孝端顯皇后宮几筵前供職始與逆賢識面泰昌元年九月初一日鄒義尚膳監掌印到任尋陞永貞司禮監共墩鎖十八年也始讀四書詩經後讀易經書經左傳史漢等古書習寫趙吳具字體善奕棋能作詩作古文亦能看選時文其兄奉生子之旺成生子芮俱庠生其餘李之榮李之藻等數人皆廕錦衣衛永貞同母妹一人嫁王道寧爲妻道寧亦廕錦衣衛生甥慕堯慕舜皆陞序班僕李培亦陞光祿寺署丞初天啓元年五月高太監時明王太監安廬太監受俱同時相繼告病求退爲自全計其年秋逆賢與王忬乾串同一路特陞史賓諸棟梁棟張文元裴昇秉筆永貞遂入諸棟

之幕而棟掌兵仗局印時在局居住管理劉榮者號
野亭自王熙宮近侍出身健訟通文理逆賢之心腹
掌班也爲棟屬僚遂與永貞相結互相推獎恨相識
之晚棟於天啓二年夏因請帑不遂與逆賢左憤鬱
病卒永貞緣榮力薦入賢幕陞文書房至三年十一
月先帝親詣園立郊祀回陞永貞玉帶隨堂秉筆賜
坐蟒撓杙匝月五遷搃榮薦拔榮後因與宮人亂逆
賢逐之而李朝欽始不離左右矣榮雖被逐在兵仗
局住耳目甚廣凡有所聞即密疏于帖緘封之差名
下官人馬獻祥入宮頻見永貞屏人密看畢即焚棄
之在獻祥亦不知何等語也後榮又因暗謀逆賢事
露賢恨之以兵仗局掌印王應科叅榮處死六年四
月二十九日永貞隨朝欽傷左股告假在梨園直房
調治至五月初六日因王恭廠之變懼而求退休乾
固不肯放喉逆賢借先帝天語催永貞少愈即出永
貞爲人有口矜肆驕譎極好面折人不肯爲之下七

年正月初自司空薛鳳翔有疏爲今上婚禮在迓其
移居府第合用錢糧厥臣體乾時匱乏極力節省所
有內官監合办者量於該監撥括奏處永貞頃其不
全應付而推諉一半于內官監也遂尔同王體乾向
逆賢曰外官一邊搗哄一邊叅小的衙門賢默然次
早賢乃稱病不起亦不赴御前但垂首冷笑長吁短
嘆切齒曰原來天下人都是搗哄虛譽我體乾代永
貞危之永貞亦慌懼極不安泣懇賢掌家玉朝用力
爲救解賢怒少釋又次日賢始力疾到先帝御前雖
值元宵然不樂者數日逆賢好名喜諛惱人直言大
率如此惜永貞非勇退之人實貪大工之乾沒告成
之恩廕馴至成禍非一朝一夕也其戕害楊左諸人
造謀布弄實由外廷線索歷々有據永貞即非助逆
殺人之人然而在御前入逆賢面前顧不知果何光
景又不知劉榮密帖是何字句凡回到直房偶因甚
事亦曾向纍臣等或痛哭怨嘆以今患之想必心口

不一換語粧點以詐忠陰賊哄衆人乎不然何其視
若愚如仇讐而猜防間諜無所不至何耶想一則恐若
愚眼前苦口勸諫一則恐若愚日後復侍高公于已
不便所以阻抑之禁錮之嚴防左右凡事不可洩漏
與若愚知之其度量心地可概見已七年八月二十
四日今上即位永貞于二十七日告病未允九月初
二日差往天壽山看擇先帝壽宮初四日回見朝蒙
欽賞赤金二十兩永貞洒淚固辭聖顏頗不悅勉慰
領受九月初七日准辭十月初二日即自砌于外宅
小院之內晝夜讀書穴墻以通飲食二十六日聞逆
賢允辭始拆墻見人撫今思昔蓋永貞之固求退也
非真心退也原欲與徐應元合爲一局擯退逆賢借
應元之力待永貞從新另做世界此机巧人多不能
知之至十一月初三日天不從人徐應元王國泰退
矣永貞始手忙脚亂密差周承恩等覬王太監倖乾
王太監永祚王太監文政各銀五萬兩皆侵落大工

原物也旬日後三家畏聖上英明且知永貞素性反
覆遂都不敢收十一月十七日各進獻御前着內承
運庫收是日晚永貞知之不自安密覓鞍馬率其甥
婿孫良濟易服逃走二十六日奉旨降永貞淨軍發
湖廣承天府顯陵安置舉家驚慌無處尋找不數日
其兄李成自縊死矣至十二月初九日永貞外宅得
一報信男子持永貞親筆帖差回取盤費衣物銀兩
宅中居住掌家王誠德等拏獲羈住將來帖齎入宮
中稟見忝乾等奏聖即着承天守備魏相下官人徑
同永貞家人名下就往黃河岸上將永貞押赴顯陵
崇禎元年春永貞兄李奉亦驚憂死矣二月又將永
貞同徐應元自承天調鳳陽三月內山西道御史劉
重慶疏叅將永貞提解赴北塗中服砒霜不死絕食
旬日不死四月十三日入刑部獄六月二十日中府
會審擬斬罪決不待時二十七日召對玉音云李實
空印本李永貞填寫驗是墨厭硃七月初十前後侯

旨乘連夜陰雨永貞自縊兩次皆繩斷跌暈頸皮勒
損又不得死至十六日未時縛赴正義街臨刑之際
尚跪向監斬官訴冤人多笑其不中用也生年四十
有六掌家王誠德自六月內於司禮監追賊被刑比
之後降更鼓房爭軍七月初旬已先永貞病故而管
家婁允德掌班丁紹呂暖殿周承恩姜永憲管上房
曹文玉蔡化齡李秉德王應時料理後事其妹夫王
道寧姪李芮苒及心腹家人李培等皆挾厚資四散
逃躲或報應商役或被人拏訊或改面事人凡踰二
年而未貞身首尚異處無一肯爲殮埋者後王道寧
偶因他事干連繫獄累臣以骨肉大義勸勉及道寧
出獄始自大興縣購其首漏澤園啓其軀於阜城關
外嘉祥觀後買地痊之癸酉春累臣蒙恩改擬侯覆
間其冬道寧暴亡恐久湮無處可問遂重賞經手王
工人等狠尋得葬處備牲醴冥資遣僕代奠其祭文
曰嗚呼痛哉戊辰孟秋既望之夕侯旨彷徨中心如

刺詰朝相辭畏咸覩。詎意我公竟罹太厄。銜抱冤
誣丹化爲碧骨肉逃匿產業蕩然吞獻由人豈特簡
編小人改面君子情遷後事之託負信誰憐荒垆摧
屠土燥多年瞻彼他墳春秋祭酬嗟惟我公荒第爲
最泉下交遊佳客藹。夜臺觀書青燐是賴痛抱沉
冤悲纏肝肺嗚呼痛哉未死若愚朝審赴市數載奔
趨路人嘆息叫天何辜屢蒙存活淚血爲枯。勉作
善幻視微軀六七年來敢忘厚德皈依釋門布衣蔬
食近荷平反更生在即曾夢見公如侍公側遣僕叩
奠冤填胸臆聖明在上終昭覆盆果得脫難當約同
門捧吉卜穴改葬高原勒銘垂後奠慰尊魂靈其格
止哽咽何言嗚呼痛哉尚饗永貞白哲長髮性狡慧
通文能書喜讀韓非短長語極好談天文好說夢頰
以身質言語賭重誓語最叵信貪悞猜險更善負心
而性驕好勝自王体乾等無一人不與之恚怒爭競
者即逆賢亦屢次委曲包容之遂自釀殺身之禍了

無救解六年夏於富河大築房舍置園圃始將其四
兄所溢棗樹伐去於興隆寺延僧衆建華嚴道場百
日以懺解超度之七年冬永貞逃後丁紹呂王成德
等打點家產進過銀八萬兩崇禎元年夏又追銀六
萬兩連前次三家未收者通共銀二十九萬兩其南
北往返各項花費屋下隱埋並名下逃奴吞拐及入
獄被騙者不與焉爲永貞河邊管家司鎖鑰者巾帽
局管理姜允德也○丁紹呂者昌平州人也亦辛丑
年選入自盔甲廠僉書陞內官監管理逆賢囑永貞
延請做掌班及永貞掌內官監印一應事体資紹呂
爲多然永貞猜慢自用亦多有不盡聽者惟故鄉修
築并通州城內置產城外修橋及每年巾帽局鑿散
靴料銀兩皆賴紹呂區畫崇禎六年爲慶陵寶頂大
雨衝損將紹呂拏赴司禮監代永貞交贓三千五百
兩尋復職後以內官監管理復經管慶陵工程至十
年秋八月二十六日二十七日聖駕親登都城編視

雉堞樓櫓奉旨着紹呂以總理同總理馬光忻分左
右幫築外羅城紹呂蚤夜拮据年雖老而督催有法
勞可念為十一年九月間工尚未完猝直寇由薊鎮
墻子路入犯蹂躪北直遠至山東未敢近都城也紹
呂為人善應對有識見間兵畧好畋獵頗通堪輿家
言多智術有心計能尺牘文移練達事体揣事多竒
中與秉筆田玉契厚於侷乾為同鄉後授掌印高太
監時明高自己選擇墳地于白家潭往西南和地方
大覺寺山場其名曰九龍山點穴託紹呂同王國輔
修造纍臣曾聞盛甲廠王承恩安民廠李艾成云曾
各製大鉄鈎生鉄銀錠用小車運至墳所以錮之蓋
但欲奉承當道石擲之堅其自己職掌戎噐之窳則
不計也夫臣子何處不可埋身而必取九龍之名為
墳亦不過鑿傷祖陵之龍脈與高何所益耶且先帝
時當求貞烜赫之日富河之風水吉壤門戶方向亦
曾極力托人選擇而今安在哉總之
未滅何以

家爲永貞輩自見不及此也永貞同列秉筆惟石元雅徐文輔皆賢心腹名下也具見本章經手次第中其籍貫履歷亦畧叙于後王侉乾梁棟等亦漫及之○石元雅北直雄縣人萬曆辛丑選入皇城兵仗局寫字善射好畋獵不甚讀書與紀用契厚泰昌元年十一月逆賢奏陞司禮監歷任文書房陞秉筆掌針工局印南海子提督延請許秉彛爲掌家首引崔魏之交者許也每見逆賢即屏人語移時方出及大工興後每事面相授受而許亦衰老不甚靠焉至七年夏犯寧錦保全後呈秀曾有一帖復託許達有請加九錫字樣王朝用李永貞等曾親眼見之哂其諛佞然逆賢默已耳元雅亦于天啓七年九月內告辭十月內逃奔客死于外○許秉彛大興縣人萬曆六年選入皇城曾侍盧太監受歷陞內官監提理工程提督皇木廠總理各省大木七年十二月被霍維華叅奉旨着司禮監拏問該監官鄭之惠等問明具

奏又奉旨有搬運線索等語姑夾投打降做淨軍發
鳳陽崇禎元年夏又被科臣祝世美叅奉旨提解六
月入刑部獄後于都城隍廟少司寇丁啓濬等受其
重賄以爲審無証據仍發鳳陽○余文輔北直安肅
縣人客氏在光廟青宮時其子國吳尚幼遂延文輔
在外訓教天啓元年文輔冒姓姜選入皇城陞管庫
近侍三年歷陞乾清宮管事四年復本姓隨堂又陞
秉筆掌御馬監印總督四衛管又總督太倉銀庫節
慎庫文輔姿容間雅有心計善書算通文理最能辨
論好彈琴善射甫四載而晉秩秉筆賜坐蟒撓杌先
帝升遐逆賢因文輔爲徐應元昭管之姪且客氏之
私人也差文輔同心腹名下王朝輔迎請今上聖駕
踐祚不想朝輔先退而文輔又叛客魏與李永貞共
擁戴應元幸上察其奸斥之先發鳳陽崇禎元年三
月調發南京新房間住按太倉銀庫戶部事也節慎
庫工部事也文輔並總督之藉先帝寵靈客魏逆焰

請兩部到任勒司官行屬禮坐八人明轎使甘蔗大
棍舒徐容與揚長安道上其呼殿之聲比閣臣道
子還雅其音清細而長彷彿聖駕清御警蹕之聲內
官外官無不下馬迴避者又強買戚臣李承恩宅大
初廨宇其署額曰戶工總部者乃主事王姓者所獻
諛也復將先朝公主家廟神主逼遷別處躍冶不祥
內臣中第一人凡爲魏崔等遞入姓名惟文輔能頗
記憶一日吏部推湖廣司官汪始亨李師沆而師沆
文輔之父母官也遂亟查始亨姓名與逆賢云同志
錄有名攘奪如拾芥爲初逆賢既矯旨殺劉克敬於
鳳陽矣馬鑑者克敬之昭魯老叔曾任乾清宮管事
御馬監督告病間住已久逆賢啖文輔疏叅鑑任
監督時所造火車銃砲不如法亦矯旨捏賊降發鳳
陽復殺之此天啓六年夏事逆賢心腹馬昇見在可
鞫也網漏吞舟惟賄之力今不過逆孽軍犯近復蒙
恩改爲民骨肉得完聚也○王侉乾者京北平州人

萬曆六年選入皇城爲蘓杭織造孫太監隆名下讀書正途萬曆二十八年歷陞文書房恭昌元年八月密以重賄求西李娘下李進忠克先帝典璽局即九月初七日秉筆掌御用監印办膳後啖逆賢殺李進忠以滅活口天啓元年夏掌尚膳監印及盧受發鳳陽奉先帝聖旨者王安掌司禮監印矣而霍維華者直隸東光人時任給事中其妻弟陸蓋臣天啓元年選入之內官也爲高太監時明名下凡宮中動靜霍最先知遂具疏劾安再上辭疏候繳溫旨即出而客氏憚安剛直喜体乾軟媚遂矯旨淮安辭免將司禮印付体乾掌之復陞諸棟等爲帮手屢有中旨巧留客氏與逆賢比暱爲奸又外結沈淮爲謀主逐大臣王紀滿朝薦劉一燝等殺內臣王安王國等心粗胆大漸及妃嬪皆体乾依阿無主持也天啓四年二月三十日辰時成妃李娘誕生皇第二女是時也地大震宮中殿宇搖撼有聲銅缸木桶之水湧波

震蕩凡坐立者骨軟如醉乾清宮大殿藻井內所懸
圓鏡東西南北震動不定如鐸舌焉至五月初十日
太祖忌辰也体乾寺不穿青素而穿青綠錦綉其日
未時乾清宮東丹墀旋風驟作將內官監之大鉄片
如屋頂方濶者盤旋如紙隔丹陛石欄杆之上拋擲
於西丹墀鏗訇若雷其月晦即有揚璉二十四教之
疏是時汪文言尚繫詔獄爲体乾者若肯從國家起
見據外廷讜論屏退克逆有何難者乃輕徇掌家王
朝用之密懇且心感客氏培植掌印遂將如許叅本
不肯字之全念而多方曲庇之忍先帝孤立忠言見
忌士大夫之禍從此不可收拾况又開廷杖之端尊
称頌之路令無骨力無遠識患得患失之閣臣出四
六儼語之旨凡口奏文書之際体乾必歷指姓名凡
誤因錢謙益黃尊素而波無辜良可太息体乾爲人
柔貌深情其貪無比即自己名下如田玉等而亦巧
借題目頽刻削也凡司禮監題本年月之下上層居

中排臣王体乾臣魏忠賢下層往後排臣梁棟臣李
永貞石元雅余文輔諸人蓋其媿阿心腸只知獻諛
甚非体制可惜典禮衙門亦屑越至此真可痛哭其
原疏見存者可證也及刻內臣便覽復甘心讓賢居
首特高一字尤可笑為神廟時功令寬凡文書房官
俱得與外廷結識往來楊維垣霍維華徐大化等中
旨之起蓋不特逆賢一人力也天啓七年八月先帝
不豫已久乘先帝弥留之際於八月十一日召今上
至御榻旁王音疊々不已而是日閣臣揭所批中旨
有禮臣廠臣輔臣等字樣原揭具存內閣可證驗也
二十日巳時永貞自御前問安畢到忠義室直房於
衣袖內取出白連四太紙花一個內有鮮血一縷長
二寸餘濶三四分似肉非肉似痰非痰云自萬歲爺
鼻中省出凝結如筋當與丁紹呂及若愚等遮視之
有嗟嘆落淚者若愚曰此出自御前龍体聖恙所關
不可輕易遂用紙復包一層上寫某月某日老公御

前請出有血紙花一個隨粘于屋壁高處至申時太
醫院官來問安御前果索此血以憑計藥當即取下
交進至二十二日申時龍御上賓逆賢差文輔等迎
請今上先帝崩移晷矣嗚呼痛哉先帝聖性虛明推
赤心置內外臣子之腹惜体乾逆賢非宗社之器而
南樂薊州東光又皆濃於名利刻於報復之人梁棟
齷齪不足齒李永貞石元雅涂文輔皆少不更事驟
登榮寵天低地窄前無古人後無清議滿眼只知有
富貴滿懷只知有誦諛嫉賢醜正根於性成伏法者
伏法逃亡者逃亡或用重賄苟免平安倘至夜氣清
明良心忽萌之際一追思之不知魂夢中尚有何顏
色而視息人間也身死後又有何面目對越先帝之
靈於在天也鄙夫鄙夫可與事君也欤哉体乾至崇
禎己卯夏籍沒逮刑部獄擬斬庚辰冬死於獄真天
網恢恢疎而不漏云○梁棟宛平縣人萬曆十一年
選入歷陞司禮監提督太和山天啓九年夏逆賢拔

陞秉筆掌酒醋麵局印馬謙力也其兄梁植寺廕錦
衣衛陞都督同知招權納賄爲賢憎惡七年秋擯棟
蘓杭織造旋撤回京今故○趙秉彛北直新安縣人
萬曆二十九年選入泰昌元年冬逆賢奏陞司禮監
天啓七年以監官差逆惠藩陞秉筆○孫進北直晉
州人亦二十九年選入神廟時牌子王永名下侍逆
賢最久作人寬厚陞文書房歷任南京守備陞秉筆
間住爲民戊寅冬深入進守城犒軍賴以保全○

王朝輔原名王朝忠即所稱黑王公者北直文安縣
人二十九年選入侍逆賢久先帝登極後陞乾清宮
管事提督兩司掌銀作局司苑局印天啓七年陞秉
筆○李明道大興縣人萬曆十七年選入陞司禮監
提督南京守備提督漕運皆客氏力而逆賢任之自
此之外當年曾任乾清宮管事牌子掌銀作局印曾
于天啓七年五月差往錦州接濟藥者胡明佐也
掌內織染局印者齊良臣也掌尚衣監印者杜永明

也掌司鑰庫印者王秉恭也提督忠勇營者譚敬也
裴芳也提督上林苑監四署者吳國泰也曹承恩也
掌混堂司印者李本志也監督勇士四衛營者吳光
成也提督御酒房者李昇也提督牲口房者張應詔
也此人乃客氏掌班張貴之姪也又御茶房弓箭房
之鄧汝敬王國祥鄭思廉等提是逆賢名下皆北直
人天啓元年選入日在先帝御前尚有暖殿近侍并
三年選入名下數十員不備載姓名也○此外如領
勅鎮守并徐應元等亦畧次于左以備考焉○劉應
坤北直新城縣人二十九年選入侍逆賢最久歷陞
管事同時之劉忠曰太劉公劉朝曰一劉公應坤則
三劉公也提督忠勇營掌御馬監印後陞秉筆遼東
鎮守便宜行事駐劄山海關天啓七年五月守寧遠
崇禎己巳丙子戊寅深入薄新城應坤設法捍禦備
極心力畏而宵遯曹太監化淳疏稱其勞○紀用
北直文安縣人二十九年選入爲逆賢心腹陞乾清

宮管事提督忠勇營遼東鎮守便宜行事用粗通文字慷慨有膽畧性孝天啓七年五月守錦州。葛九思北直延慶州人天啓元年選入逆賢名下能書精騎射陞乾清宮管事提督忠勇營鎮守宣大山西丙子秋深入九思死于西山某處此外則張守成李應江湖良輔等不槩錄也。金良輔孟忠俱北直人二十九日選入泰昌元年冬逆賢奏陞司禮監任文書房正陽寺門提督忠大壩馬房提督。楊國瑞陝西臨潼人天啓元年選入逆賢名下陞文書房南京守備。李承先者北直容城人萬曆十一年選入孫暹名下歷陞內官監總理。蘇若霖者北直安肅縣人原名進忠十七年選入由內府供用庫陞內官監總理天啓元年費數萬兩差往荊州修惠藩府第未就因病撤回與馬誠李承堯俱領大工坐名勅書分中左右三路督催崇禎元年夏以言官叅論承堯若霖都着司禮監拿問追贓完日俱發南京更鼓房淨

軍誠先賢死久承堯近日亦死于南京若霖茹長齋於崇禎六年爲度陵寶頂雨損復建北繫獄擬戍仍發南京修梵行猶頭陀也。徐應元北直雄縣人於逆賢爲同年同官兄弟賢天啓七年八月陞秉筆十一月發承天後降爭軍調鳳陽按光廟莊妃之封原因撫養今上其薨也的係應元氣鬱所致近聞死于鳳陽人咸謂有天道也應元爲人不識字幼無行宿娼飲博好談謔嫚罵坐立傾敬辱不蓋齒形雖瘦長而眉目無神彩腰肢筋骨若不聯屬如病初起者爲神廟時爲管庫近侍綽號徐雄牙云蘓若霖與應元契厚在大工時每請應元會飲差去內官即曾引見今上於藩邸者數人而內官監總理吳得忠更與應元厚應元請爲掌家躡陞乾清宮管事如王朝用故事尋降處云。趙進教者亦係孫暹名下逆賢應元之嫖賭弟兄因無賴隨福藩之國秩甚早天啓五年冬逆賢聽其密稟讒譖將福藩伴讀崔進於進表到

京之日幾置之死賴李永貞力救始免逆賢復破舊
例乘福藩差進教來京奏陞御馬監裏草欄貼場陞
玉帶內府騎馬看守寶月亭先帝遊幸亦屢得仰瞻
天表云至七年夏先逆賢病死喪葬極其盛也○李
實者北直雄縣人萬曆六年選入讀書正途二十九
年十月神廟點爲光廟伴讀泰昌元年八月陞秉筆
掌御馬監印先帝登極後差往選皇后天啓元年夏
差往蘓杭織造實爲人朴素無文惟聽掌家樊得和
孫昇等提撥衆享其利而實尸其名先因揚姜之事
頗與巡撫周起元不睦及南樂通線索與逆賢而崔
呈秀等次第布穿於六年二月內逆賢勒要實空印
本著李朝欽等串謀同孫昇等填寫七君子之命始
斃此事累臣始終未見此本夫空印本既出自孫昇
之手果是何奏砌江南事件果屬誰手捏稿謄真事
關進呈豈一人一手可能做得惜崇禎元年七月初
四日聖明召對時只辨硃墨之壓否何如竟未弔取

實從來別本與此本比對字跡但究及寫真之人則
自有寫稿造謀之人再比對原本紅字是誰所批當
時王休乾梁棟李永貞石元雅徐文輔五人之字跡
亦易認也如必是歷歷實揆直窮到底朝欽雖死孫
昇等見存便言下明白矣乃止以墨跡蓋硃而指爲
永貞成案永貞雖死真正捏砌填寫此本之人尚漏
網倖免揚揚於聖明之世也實原不知情降南京淨
軍近亦老死人尚多憐之○王國泰者京師人二十
九年選入孝瑞顯皇后司禮監名下也於李永貞爲
同派謫南畿二十年光廟登極取回天啓元年退斥
後於太佛寺管工客氏逆賢喜之補今上藩邸局官
遂與徐應元爲一派人天啓七年八月陞秉筆掌尚
膳監印十一月發南京後調承天降淨軍今爲民國
泰性篤實多學能書尚氣節善治生理廣交遊胸中
坦率無機械尖巧也○馬謙者宛平縣人嘉靖四十
一年選入由司設監寫字歷陞內官監總理逆賢救

命之大恩人也謙與秉筆梁棟契厚陞乾清宮管事
改名馬誠性剛直晚營造虛心採納可則可否則否
敢於逆賢面前持正不阿即內官監之掌印宋晉李
永貞咸改容敬憚之大工門閣三殿初萬曆年間馮
御史嘉會掌河南道時大家估計所需三千萬計工
二十年至天啓年間鼎建馮與少司馬亦預估計樽
節乃所費不過六百萬誠區畫詳妥任勞任怨祁寒
暑雨未之少懈不四五年克臻厥成勞難泯焉惟曾
與總理戴福壽汪良德管理翟應奎有隙而幾置之
死人多少之誠于天啓七年春病故享壽將近八十
富麗服食亦極內臣之貴何其生樂死安得報康吉
如此抑前世種德因而今生逸樂耶不可知已紀用
石元雅俱兵仗局出身好武勇劉榮名下馬獻祥掌
關防掌司也凡祖宗以來庫藏中所蓄刀劍鎗銃一
切武器最利最精者逆賢以勢索取甚多且轉賜心
腹名下葛九思劉應坤楊朝寺并姪魏良鄉及傅應

星寺無筭此所以利刃在手逢着便害也

酌中志卷四

內臣衙門職掌第十六

凡職掌錢糧數目

皇明祖訓所載設立內府衙門職掌品級立法垂後亦盡善盡美惟是間有祖訓所未及載而未詳者謹譜次梗概於左按內府十二監曰司禮曰御用曰內官曰御馬曰司設曰尚寶曰神宮曰尚膳曰尚衣曰印綬曰直殿曰都知又四司曰惜薪曰寶鈔曰鐘鼓曰混堂又八局曰兵仗曰巾帽曰針工曰內職染曰

酒醋麪曰司苑曰浣衣曰銀作已上總謂之二十四衙門也此外有內府供用庫司鑰庫內承運庫等處亦監列於後

司禮監掌印太監一員秉筆隨堂太監八九員或四五員設有象牙小牌一面長寸餘每日申時交接輪流該正凡每日奏文書自御筆親批數本外皆衆太監分批遵昭閣中票來字樣用硃筆楷書批之間有偏傍偶訛者亦不妨畧爲改正最有寵者一人以秉筆掌東廠掌印秩尊視元輔掌東廠推重視總憲兼次輔其次秉筆隨堂如衆輔焉皆穿貼裏先斗牛次陞坐蟒先內府騎馬次陞撓杓祿米每陞一級則歲加祿米十二石各家私臣曰掌家職掌一家之事曰管家辦理食物出納銀兩曰上房執掌箱櫃鎖鑰曰掌班領班鈐束兩班答應官人曰司房打發批文書騰寫應奏文書其下則管帽管衣靴茶廚房打聽官看莊宅各瑣屑事務也其餘大小衙門遇有應題奏

事情皆先關白司禮監掌印秉筆隨堂而始行凡御
前親近大內臣如乾清宮管事打卯牌子其秩亦榮
顯猶外廷之勳爵戚臣然皆得掌各衙門之印視其
寵眷厚薄而欽傳昇之不拘資次

司禮監提督一員秩在監官之於本衙門居位職掌
古今書籍名畫冊頁手卷筆墨硯綾紗絹布紙劄各
有庫貯之選監工之老成勤敏者掌其鎖鑰所屬掌
司四員或六七員佐理之并內書堂亦屬之又經廠

掌司四員或六七員在經廠居住只管一應經書印
板及印成書籍佛藏道藏番藏皆佐理之自提督之
下則監官典簿十餘員第一員監官提督皇史宬歲
禧并新房候轉提督俱輪流該正在廊下家宿專理
皇城內一應禮儀刑名鈐束長隨當差聽事各役關
防門禁至逆賢擅政時令與文書房輪挨遇双月十
六日前往教場比試武職應其次六科廊掌司六員
或八員分東西两房管精微料內外章疏及內官脚

色履歷職名月報逃亡事故數目其次人數十員或
八員管二十四衙門山陵等處內官職級姓名撰寫
每日傳行聖旨稽查門禁鈐束當差聽事題奏應行
禮儀應頒賞賜其次六科廊騰黃寫字一員其次管
掌寫字則按節令挨次題稟禮儀文書及賞例或百
餘員或數十員分兩班四撥各撥若干人其班按十
二支輪之曰頭項整一日過夜曰守早從卯至申曰
守晚從申至次日天明曰末項整一日過夜方得下
班歇息四日也凡遇聖駕朝講遊幸穿麟補紅襖襖
或青襖襖執藤條攔擋者凡掌司人數寫字也或轉
經廠司禮監掌司者則每撥內另有一種衙門寫字
共十餘員挨補而已自提督至寫字俱穿襖襖凡出
入皇城各門軍接與擋道自內書堂奉旨派撥者名
曰正途其次或乞恩奏保改陞者亞焉按祖宗舊制
必依昭欽錄姓名挨次魚貫陞轉罔敢挽越自逆賢
擅政盡將歷練老成之人擯斥殺害內御司房或退

出於冷淡衙門林衙等署西山小墳園三場十庫及
天啓七年春復點撥于代府於新之國之瑞惠桂三
府今概蒙聖恩召復凡有力者雖漸有生色其實典
禮衙門挫折損体恐終不能復祖宗一定之舊規也
惜哉如欲內廷有真正忠良才品必先內書堂振刷
優選慈善之人加意訓教以儲十餘年或二三十年
之後大用可也奈天啓年間有誰肯仰全聖德保全
國体惟刻意報復沉酣寵利內則注精神於媚嫉外
則不痛戒於覆車苟植私人罔有卓識大率兩目熒
熒患失而已謂之朝不及夕者非耶至一旦失寵退
間後浪又催前浪天家才人性命那堪頻遭帶累摧
折乎况又多閭閻幼稚志在安飽誇耀却傭奴視父
叔習俗移人雖賢者難免或有特達自見迥異流輩
者必群起而非謂之或乘机而擯害之搃之孤陽不
生自古已然非止一人也

文書房官八員或十員雖穿襪微其實祖宗設立原

是遴選二十四衙門山陵等處有學行才識者委用
職掌通政司每日封進本章并會極門京官所上封
本及在內各衙門本天下各藩封本府有大小濃淡
之不同文書房各以名銜前後分管之其在外之閣
票在內之搭票一應旨意聖諭御札俱由文書房落
底簿發行所以如今凡掌司陞轉文書房者概削去
司禮監銜都借列內官監銜其呈稟文書俱見經手
次第中然不過逆賢時如此耳先時從公揆轉雖非
外衙門選擇委任尚可觀也而逆賢盡行斥退信用
自己名下間有一派少不更事之人非制也按舊制
後右門即雲臺石門之北隆宗門之南坐西朝東房
一連原名協恭堂每日早晨或非朝講之日及申時
後掌印公過司房看文書秉筆隨堂人各有室挨次
細看先看文書房外本次看監官典簿文書自逆賢
竊柄其規矩蕩廢無遺所以事之苟且萬曆年間先
監過司房例印公穿直身率秉筆等都是單身入室

其親信掌班人等一人不得入機密禁近理應如此
奈王体乾黨附無骨而逆賢不識字遂公然於乾清
宮大殿上看文書或懋勤殿板房看文書硬拆寶封
高聲朗誦又挨次到各人直房那一家管文書看直
房掌班司房官人肯不出宮門不張推勢者乎不過
司房誠此政也如欲君德昭明左右得人須先振刷
內書房起欲章疏不洩漏推不旁落須有好明白印
公不拘私不憚勞仍復早晚過司房之舊制始如欲
真才柄用中外不水火須大破逆賢積習爲官擇人
不爲自己子孫擇官始在聖主自無一番一番如傳
舍用人之理在內臣亦聞風觀感羣於爲善庶免本
官勢倒連累退斥之患此必得虛明爲國淡名利忘
報復之人柄政當朝立賢無方庶可办此若只悠悠
忽忽張三敗了便将他支派退淨李四敗了又如此
趙大王二又如此摠有真心爲國束身自好之品恐
亦孤掌難鳴也東海逝波其奈之何哉凡御前面考

隨堂秉筆自崇禎元年冬欽出事君能致其身題考
鄭太監之惠曹太監化淳中式始至十二年夏季李
太監承芳署司禮監印時其名下顧三聘者亟圖連
化遂密託己之名下王連鼎代作選於衆時藝一篇
被巡緝官發其事李遂不得已奏知聖主立將三聘
責斃降連鼎淨軍發南海子看守墻舖其年秋褫職
逮獄偶言及於此累臣曰重懲三聘甚當李曰何也
累臣曰彼草野寒士或迫於家貧親老行險徼倖世
所間有罪不致死今三聘職叨典祀於御前面試乃
敢藐視憲典迫挾名下任性冥行至此便是犯一欺
字了於臣子之誼安乎嚴懲處死不爲苛也
內書堂讀書自宣德年間創建始命大學士陳山教
授之後以詞臣任之凡奉旨收入官人選年十歲上
下者二三百人撥內書堂讀書本監提督總其綱掌
司分其勞學長司其細擇日拜聖人請詞林衆老師
初則從長安右門入北安門出後則由北安門出入

每學生一名亦各具白蠟手帕龍掛香以爲束修至
書堂之日每給內合一冊百家姓千字文孝經大學
中庸論語孟子千家詩神童詩之類次第給之又每
給刷印做影一大張其背書號書判做然判做止標
曰子號書不點句也凡有志官人各另有私書自讀
其原給官書故事而已派年長有勢力者六人或八
人爲學長選稍能選字者爲司房凡背書不過寫做
不堪或損汚書做犯規有罪過者詞林老師批數目
付提督責處之其餘小事輕則學長用界方打手重
則於聖人前罰跪再重則扳着幾炷香扳着者向聖
人前直立灣腰用兩手扳着兩腳不許体屈之則界
方亂打如雨或半炷香一炷香其人必腹脹頭眩昏
暈僵仆甚而嘔吐成疾者此最酷最不近理之法也
凡強凌弱衆暴寡長欺幼者每賄託學長借公法以
報私怨此第一陋套所宜痛革者也嘉靖年間讀書
官人有年少貪睡者散學時人叫不起遂鎖在內半

夜聞有呼殿聲儀衛甚衆云聖人到搜得此官人聖
人曰既得見我可謂有受教之分視有何書取來我
親教之不意案止有大統曆一冊乃指誦一週至天
明向人言如此試令背誦一字不差又差淮者年少
有口值殿太史士瞻教書偶不在室淮其帶紗帽束
其帶正在室中搖擺作勢殿猝至淮不知帶挿黃解
法殿頗不懌淮曰師父還繫玉帶哩此銀帶何足貴
殿笑而釋之歸寓向夫人脩道相笑萬曆初殿入相
束王夫人尚記憶淮名白殿託馮太監保察之見任
御馬監奉御隨令赴殿寓拜見師媽殿山東人罷相
致仕時淮送至天津始回見讀書官人遇令節朔望
亦放學一日其每日暮臨散即排班題書不過雲淡
風輕之類按春夏秋冬隨景而以腔韻題畢方擺列
魚貫而行人有不知誤亂挽越者必群打詬辱之別
衙門官遇學生擺班行走必拱手端立讓過即司禮
老公遇之亦然凡各衙門缺寫字者即具印信本奏

討奉旨撥給若干名即挨名給散至逆賢時此制大壞無餘殊可嘆也凡內書堂官人已撥散將完無人讀書該監題知於二十四衙門官占官下及監工改讀書以補之其實事久弊生冥頑貪詐或粗橫克猾搃非作養賢才良法也如欲痛改前轍只在聖主右文主持於上好印公提督掌司振飭於下不吝教不憚煩詞林老師激勸於外不倚勢有良心年長曉事學長應之於中不三五年即有成驗十年內外國家自享真才之用消玄黃之戰於廟堂行無疆福澤於億世顧惟在位者如意何如耳

禮儀房署在東安門外舊都府草場之東向南提督太監一員掌印或秉筆扨之掌司數員寫字管事數員本房長隨數員掌管一應選婚吉禮每年春夏秋冬四仲月選乳媪生男十口生女十口月給食料在妳子府居住凡宮中有喜鋪月子房則生男生女各一二口在文華殿外西北臨河之小房住及報生皇

子則用生女妳口皇女則用生男妳口弥月剪髮百日命名及請髮留髮入囊冊立冊封選妃打扒角選駙馬一應禮儀皆經理之

中書房掌房官一員散官十餘員係司禮監工年老資深者挨轉專管文華殿中所寫書籍對聯扇柄等件承旨發寫完日奏進御前凡宮中糊飾如不放外匠便只是監工并學手藝牌子糊飾挨轉此處昔御前作至貧老無倚則發外經廠看守以待斃焉凡司禮監掌印秉筆隨堂故後各有牌位送外經廠供安各有形像送西直閔外大佛寺供安看廠監工守寺僧人侍香火不絕也

御前作評掌作官一員散官十餘員亦是監工年老資深者挨轉專管營造龍床龍桌箱櫃之類合用漆布銅油銀硃寺物料奏准于甲字寺庫閔支已上二處亦掌印或秉筆提督之司禮監外差南京正副守備太監二員閔防一顆其

文曰南京守備內守關防護衛留都爲三千里外親
臣轄南京內府二十四衙門孝陵神宮監寺官奏進
神帛鮭魚苗薑苜鮮各衙門印文比北京各多南京
二字

孝陵神宮監掌印太監一員別衙門可陞不係司禮
監也轄本陵僉書掌司及謫南種菜淨軍人等

天壽山守備太監一員關防一顆轄十二陵掌印僉
書工部廠掌司寺官凡每年清明親率各掌印來京

奏添工本每歲辦進松花黃連茶核桃榛栗等果各
陵皆有晾果廠在

鳳陽守備太監一員關防一顆護衛皇陵轄僉書數
十員兼管高墻犯宗

湖廣承天府守備太監一員關防一顆僉書數十員
轄承德荆襄地方護衛顯陵徵收籽粒每年進茶扇
葛布香茶手中

太嶽太和山鄱峽鎮守太監一員關防一顆轄均州

等處經管本山香火羽流進擲海鷹嘴笋騫山茶
寺件

正陽寺九門永定等七門正副提督二員關防一顆
已上六處秩在文書房監官之上并孝陵掌印各有
勅諭又正陽門掌司一員秩視六科廊然不隨內轉
缺則補之近已裁革不補
大壩寺馬房正副提督太監二員勅諭關防秩在文
書房之次外衙門官亦間任之

蘇杭織造太監一員亦有勅諭關防秩視秉筆而安
逸尊富過之萬曆年間惟孫太監隆先監之同年也
多學善書曾刻通鑑總類中鑒錄寺書所造清謹堂
墨款致精巧猶方于魯程君房而劑料精細為殊勝
為神廟最愛重之今不易得也隆在蘓杭年久又以
暇日重修西湖蘓堤從容儒雅蓋事辦而民不擾大
得東南民心至今思之未艾也掌印王侉乾秉筆王
文致皆隆名下也今上即位憫東南財物凋敝特停

止不差

東廠自成祖即位永樂十八年始置其外署在東安門外迤北提督太監一員關防一顆勅諭最為隆重凡內官奉差關防皆曰某處內官關防惟此處篆文曰欽差提督東廠官較辦事太監關防自泰昌元年九月先帝登極後歷掌東廠者鄒義沈蔭宋晉也至天啓四年春逆賢掌廠其年夏季永貞偶分批東廠一疏繫臣見面上關防因稟永貞曰此廠如何省直提學道關防俱因避御名題請改鑄此臣下尊君之体不忍缺者東廠係內府新近衙門何三四年尚用舊關防無人題請改鑄可乎永貞始竊嘆稱曰老爹素通六書可謂識体即轉白逆賢逆賢曰真字我尚不識這篆字誰能認得隨令廠司房呈稿具題改鑄更官較曰官旗也及六年以後內臣紛出鎮值陶文討鑄關防不過曰內臣內官足矣不意閣票欠詳先帝御批於閣票內誤增太監二字王体乾等不達

体制含糊奉行未之奏正聞近日鑄給者亦多稱太
監各人原疏可證也本廠設有掌貼刑千百戶二員
掌班領班司房四十餘名圓帽皂靴穿直身十二顆
管事圓帽襖襪皂靴其擋頭辦事百餘名分子丑寅
卯十二顆圓帽襖褶白靴番役可千餘名外署大廳
之左小廳供岳武穆像一軸廳後磚影壁雕狻猊等
獸狄梁公斷虎故事存此者良有深意也大廳之西
有祠堂內供從來掌廠職名牌位前有坊曰百世流
芳稍南有獄一處凡重犯則繫獄輕犯干連則在署
外之店也署西南有門以通出入向南大門不恒開
也近年將西門改墻而井中水無故沉溢是以鄭太
監之惠李太監承芳相繼禡職逮刑部獄人咸以爲
宜仍開西門爲妥云凡中府等處會審大獄北鎮撫
司拷訊重犯本廠皆有人聽記其口詞一本拶打數
一本於本日晚或次早奏進每日訪看兵部有無進
部有無塘報京城各門皇城各門閉防出入俱有事

件奏聞或地方失火或雷擊何物亦奏聞^之又每月晦
日奏報在京雜糧米豆油麵之價此祖宗以來良法
深意欲九重之上覽物價之多寡即可知農歲之豐
歉以商賈之通塞便可知道路之夷險總留意民若
第一義也凡皇城禁地人命亦皆有事件其內署在
東上北門之北街東混堂司之南萬曆初年馮太監
保奏建古槐森鬱廨宇肅然凡各處^力事打來事件
皆到內署先見廠公心腹內官發司房刪潤奏之逆
賢擅政是時所獨信任者李朝欽耳初天啓元年二
月因^之患將玄武門外入賣貨物大市奉旨那
改於東安門外戎政府街民間謠曰大市去矣至七
年秋皇極^寺殿告成復奉聖諭前朝後市之義仍將
大市移入玄武門外是時先帝違和久逆賢因飭夜
禁被巡捕提督張^体乾一言所激曰夜巡非不緊奈
有內裏犯夜巡軍那敢問又因客氏之母路遇一醉
內官爭道惡罵馳去逆賢大怒遂猝布旗番即於初

三日晚捉得夜行內官陳烏眼等十餘人聽李朝欽之言乘大市之日逆賢親自到內東廠將犯夜內官各狠打一頓有降發鳳陽者有發南海子者致死于路者數人逆賢坐板由玄武門入王侉乾李永貞石元雅余文輔等凡在河邊居住掌家皆望塵跪伏道旁候賢過方起其市上賣買人觀看亦有叩頭匍匐候過而方起者此逆賢肆毒作威之未一著也內署有扁曰朝廷腹心有至聖堂有井其掌廠公宮中直房有欵給密封牙章一枚凡事件應封奏者以此鈐封逆賢擅政更造一差大者曰東廠密封凡在賢左右念本章事件者蘓雄陳福壽李朝欽裴有聲也每日清晨叩頭旁立挨次回通本封本票本話者李永貞石元雅余文輔三人也如孫進郝隱儒等槩不聞也凡先帝御前奏念事件亦止此三人耳李朝欽等亦不能到也

內官監掌印太監一員其所屬有總理管理僉書典

簿掌司人數寫字監工自典簿以不分三班宮中過
夜每班掌司第一人曰掌案所管十作評曰木作石
作瓦作搭材作土作東行楹西行油漆作婚禮作火
藥作并米鹽庫營造庫皇壇庫裏水窖金海等處凡
國家營建之事董其役凡御前所用銅錫木鐵之器
日取給焉外廠甚多各有提督外廠等官真定府設
有抽印木植管理太監一員則內官監之外差也每
年一撥只有本監公文無勅書關防及寶坻縣收子
粒西湖河差大石窩白虎澗等處各有提督俱外差
也凡內外修建分封藩王府第亦是管理外差項數
萬金營求方能到手領勅書關防前去工竣即回天
啓元年湖廣衡州府修桂藩府第管理翟應魁遞銀
四萬未能得黃用費五萬即得之餘差可以例其多
寡矣無惑乎桂藩地基不堅殿宇傾塌也凡太行帝
后陵寢妃嬪皇子女薨逝修造墳塋及完婚修理府
第皆其職掌天啓元年春慶陵工興御前所發帑銀

五十萬即有分侵八萬者矣欲堅美完善得乎至七年春今上大婚禮成藩邸殿宇及陳設器具俱塗飾草率皆李永貞貪其侵冒包工了事漫不加意之所致也可恨極矣永貞伏法而經營員後漏網謂非孔方之力哉

御用監掌印太監一員裏外監把總二員猶總理焉有典簿掌司寫字監工凡御前所用圍屏擺設器具皆取辦焉有佛作寺作凡御前安設硬木林桌櫃閣及象牙花梨白檀紫檀烏木鸚鵡木雙陸棋子骨牌梳攏螺甸填漆雕漆盤匣扇柄寺件皆造辦之仁智殿有掌殿監工一員掌管武英殿中書承旨所寫書籍畫扇奏進御前亦猶中書房文華殿中書也司設監掌印太監一員有總理僉書寺官如內官監而所職掌者鹵簿儀仗圍幙褥墊各宮冬夏簾涼蓆帳幔雨袱子雨預子大傘之類事最煩苦遠不逮御用監內官監有盈餘肥潤也如遇御前行點庫藏檯

箱則此三衙門之人皆任重樞運不敢憚勞

御馬監掌印太監一員有監督提督四衛營勇士小
廝有監官有典簿掌司馮字孛馬寺官有象房掌房
等官牙丹象九隻各居一房缺則奏於外象房取補
金鞍作評長隨房寺處有各灘監工本監象房之東
有裏草欄草場皇城之外有天師庵草場舊都府草
場天啓六年夏舊都府草場失火逆賢督率內外官
員軍士人等救撲三日始息都城東北有大壩寺二
十四馬房大壩城垣逆賢重創一新李魯生巡青疏
所諛者是也凡逆賢出外到此則於城樓上陞座飲
酒至夜則花砲巧線盒子烟火之類皆在城下放看
如元宵焉

神宮監掌印太監一員司禮監之官或文書房無力
者陞之有僉書掌司十餘員在端門之左九廟在焉
四孟之朔聖駕親享之正旦節及別朔或遇日食則
改卜於初五後行其餘節令祀事惟謹即外太廟也

其地無敢畜犬者萬曆年間掌印杜用養一獬豸小
狗最爲珍愛東廠李太監後訪知之指爲違禁不敬
聲欲叅奏用費千餘金方得免

尚膳監掌印太監一員光祿寺西門提督太監一員
西華門內裏監有總理一員管理僉書掌司數十員
馮字監工及外牛房羊房等廠監工百餘員而招供
養官撥子長隨各數十員光祿寺涼接醬房逢七等
項各有監工坐家名色職掌造办每日早午晚奉先

殿供養膳品乾清宮等宮一號殿仁壽宮等宮眷月
分膳料各有差等凡在御前掌印秉筆管事牌子煖
閣近侍及外之內閣文華武英殿中書畫士桌兒銀
兩咸光祿寺職掌用典簿關防緘封每月酒餘一桌
折銀十兩有奇牛夏者五兩有奇到每月晦朔欽賞
數目坐名頒給之光祿寺志可攷也凡遇大典禮萬
歲爺陞大座則司禮監催督光祿寺備办茶餘鐘鼓
司承應九奏之樂有所謂炮鳳烹龍者鳳乃雄雉龍

則宰白馬代之耳至如南京寺處進到各樣鮮品皆屬收納天啓以前九聖駕每日三時所進之膳俱司禮監掌印秉筆掌東廠者二三人輪辦之近年改由此監亦節省意至十二年復會司禮掌印掌東廠秉筆始先年例挨月輪流辦膳仍遵祖制也

尚寶監掌印太監一員僉書寺官可數十員職掌御用寶璽勅符將軍印信其所可知者尚寶司凡所領寶璽曰皇帝奉天之寶郊天齋醮用之曰尊親之寶

上尊號用之曰親之寶有大小二顆與藩府用之曰誥命之寶勅命之寶廣運之寶則用之最多也曰御前之寶則宮中庫藏箱鎖用之曰御藥謹封則牙刻者也御藥房用之凡勅命遠出者仍用一黃紙封套上下悉用一牙刻方寶封識之其文曰丹符出驗四方其餘寶咸玉刻也凡宝皆內尚寶女官掌之遇用寶則尚寶司以揭帖赴尚寶監尚寶監請旨然後赴內司領取歲用寶三萬餘顆歲用寶色銀六十餘

兩工部虞衡司辦進別項供億不盡載也其餘寶璽尚多不恒用天啓甲子冬河南巡撫程紹遣副使張夢鯨進到寶璽玉質潔瑩款制渾朴其篆文曰受命于天既壽永昌似小篆不甚古角無刊缺的非秦璽想是宋元時僞造者惟閣臣魏廣微誇大其祥從史逆賢播告中外以爲此璽之進正在萬方慶祝之前又值朝政維新之會顯是瑞應實所以熒惑先帝受賀稱慶藉肆報復云

印緞監掌印太監一員僉書掌司數十員職掌古今通集庫并鐵券誥勅貼黃印信圖書勘合符驗信符諸事及南京解到文武誥軸凡追奪誥命交納本監會同該科給事中中書舍人於勘合底簿內附寫爲事緣由類于本監後小門之西傍河墻焚化直殿監掌印太監一員僉書寺官數十員職掌皇極建極中極武英文華殿庭樓閣廊廡洒掃之後最勞苦冷局無大廳公署也

尚衣監掌印太監一員管理僉書掌司監工數十員
掌造御用冠冕袍服履舄靴襪之事兵仗局之南舊
監庫之北即本監裁縫匠役成造御服之袍房也又
名曰西直房萬曆時凡造上用袍服之裏合用杭細
等絹例具尺寸數目於掌東廠太監處取辦之不知
今尚如此否也萬曆三十二年冬御前偶失珍珠袍
一件神廟震怒命先監矩親至袍房拷問數次時掌
管內官王乾王進王保三人素不睦而互訐陷之先
監怒其愚狡察其寔寃而憐之竟不爲嚴旨所拘再
四搜鞠了無盜袍證據時王進孱弱被掠病亡而王
乾等奉旨降淨軍結局其後又數年宮中有人云此
袍是一貴顯宮女偷出付其答應內官拆碎變賣人
始追感先監之明允淑問也倘希指鍛鍊刻支連蔓
引會寃而死者寧能再生也乎益知執法者凡事宜
虛公詳慎可也

都知監掌印太監一員甚不顯貴餘者皆本監寫字

長隨各有青紅執事衣服凡聖駕出朝謁廟寺項在前警蹕清御者即此監之官也手執骨朶身穿鸚哥寺補子戴平巾或官帽亦有穿圓領襖襪者其人極寒苦難以陞轉下下衙門也

惜薪司掌印太監一員總理數十員僉書掌道掌司寫字監工數十員各外廠工數十員專管宮中所用柴炭及二十四衙門山陵等處內臣柴炭每月初四十四二十四日開玄武門寺放夫匠打掃淨軍及招運堆積糞壤每歲春暖開長庚蒼震等門率夫役淘浚宮中溝渠正旦節安彩粧凡遇冬寒宮中各銅缸木桶該內官監添水奏安鐵筲其中每日添炭以防水凍凡宮中所用紅蘿炭者皆易州一帶內中硬木燒成運至紅蘿廠按尺寸鋸截編小圓荆筐用紅工刷筐而盛之故名曰紅蘿炭也每根長尺許圓可徑二三寸不等氣煖而耐久灰白而不爆如曾經伏雨久淋性未過盡而火氣大熾多能損人倏令眩暈昏

迷發嘔大人尚可皇子女嬰幼何堪又宮中咸木做
地平墻壁多缺土氣凡乳母畏寒皇子女或中此每
不覺屢致薨天良可痛也順天府歲供糯米一十五
石一斗永平府歲供紅棗一萬五千五百七十觔於
紅籬廠交納之廠中舊有香匠塑造香餅獸炭又塑
造將軍或福判仙童鍾馗各成對高二尺許用金彩
粧畫如門神黑面黑手以存炭制名曰彩粧於十二
月二十四日奏安於宮殿各門兩傍此亦歲暮植將
軍炭於門旁之遺意也至次年三月初二日仍招歸
本廠修補粧新臨年節再安逆賢擅政則各增而大
之所費百倍於前傀儡体做法高八九尺又餘不等
穿以真正綾絹紵紬佩以真正弓矢兵器鬚眉直豎
猛惡如生又恐無知之人戲弄損壞凡該把方近侍
必明燈看守雖冰雪寒夜不敢遠離必交接明白人
人敢怨而不敢言也凡隆德寺殿修建齋醮焚化之
際用楊木長柴宮中膳房用馬口柴內官閤鎖則片

柴也外有北廠南廠西廠新西廠新南廠寺處各有
掌廠僉書監工貯收柴炭以聽閔支

鐘鼓司掌^印太監一員僉書數十員司房學藝官二百

餘員掌管出朝鐘鼓凡聖駕朝聖母回及萬壽聖節

冬至年節陞殿回宮皆穿有補紅貼裏頭戴青攢頂

綴五色絨在聖駕前作樂迎導宮中陞座承應凡遇

重九日登高聖駕幸萬歲山端午鬪龍舟揮柳歲暮

宮中驅儼及日蝕月蝕救護打鼓皆本司職掌西內

秋收之時有打稻之戲駕幸旋磨臺無逸殿寺處鐘

鼓司扮農夫餘婦及田畯官吏徵租交納詞訟等事

內官監等衙門俟侯各用器具亦祖宗使知稼穡艱

難之美意也又過錦之戲約有百回每四十餘人不

拘濃淡相間雅俗並陳全在結局有趣如說笑話之

類又如雜劇故事之類各有引旗一對鑼鼓送上所

粧扮者備極世間騙局醜態并閨閻拙婦駸男及市

井商賈刁賴詞訟雜耍把戲等項皆可承應又御用

監武英殿畫士所畫錦盆堆則名花雜果或貨即擔
則百物畢陳或將一月韶光富春山子陵居等詞曲
選整套者分編題目畫成圍屏按節令安設總皆祖
宗原因聖子神孫誕於宮壺之中長於阿保之手所
以製此種之作用無非廣識見博聰明順天時恤民
隱之意也猗歟盛哉意淵微矣又上元之前或於乾
清宮丹陛上安七層牌坊燈或於壽皇殿安方圓鰲
山燈有高至十三層者派近侍上燈鐘鼓司作樂焚
燈內府供用庫脩蠟燭內官監脩奇花大炮巧線盒
子烟火火人火馬之類誠所謂瞬息之樂粧點太平
或藉此孝娛聖母未爲不可但火燭耽驚糜費甚鉅
思及民瘼實可惜焉又木偶傀儡戲亦製用輕木雕成
海外回夷及蠻王仙聖將軍士卒之像男女不一約
高二尺餘止有臀以上無腿足五色油漆彩畫如生
每人之下平底安一拘郊用長三寸許竹板承之用
丈餘濶數尺進深二尺餘深方木池一個錫鑲不漏

添水七分滿下用撓支起又用紗圍屏隔之經手動
機之人皆在圍屏之內自屏下游移動轉水內用活
魚蝦鱗螺蛙鰕鱔萍藻之類浮水上聖駕陞殿座向
南則鐘鼓司官在圍屏之南將節次人物各以竹片
托浮水上遊閱頑耍鼓樂喧闐另有一人執鑪在旁
宣白題目替傀儡登荅贊導唱采或英國公三敗黎
王故事或孔明七擒七縱或三寶太監下西洋八仙
過海孫行者大鬧龍宮之類惟是暑天白晝作之猶

耍把戲者耳其人物器具御用監也水池魚蝦內官
監也圍屏帳幔司設監也大鑼大鼓兵仗局也乍觀
之似可喜如頻作之亦覺繁費無味矣先帝最好武
戲於懋勤殿陞座多點岳武穆戲文至風魔和尚罵
秦檜處逆賢常避而不視左右多竊笑之自天啓六
年以後凡御前撒科打院本有鐘鼓司僉書王進朝
綽號王癩子者抹臉詼諧公然稱贊惜薪司怎樣軫
恤商人內府庫怎樣米積天准東廠怎樣釐奸剔弊

室和店怎樣裕國通商內修朝殿外鎮邊疆或稱好箇魏公下或誇好箇魏太監逆賢居之不疑自以爲美先帝聖顏亦每爲喜悅回想憲廟時汪直擅權尚有懷恩之流居帝左右所以阿丑敢譎諫也今王体乾既熟軟巧媚在王瘤子不過俳優賤職耳自然因而化之可嘆也已想稱功頌德是又寧止章疏間哉五年之九月九日駕幸萬歲山鐘鼓司掌印太監立印執板清唱雒陽橋記內之攢眉黛鎖不開一套至六年九月日登高立印仍唱此曲識者已哂其不合景失大体矣撫今思昔亦莫之爲而爲良非佳兆云

神廟孝養聖母設有四齋近侍二百餘員以習官戲外戲凡慈聖老娘二陞座則不時承應外邊新編戲文如華嶽賜環記亦曾演唱是日神廟侍側見推臣驕橫寧宗不振至云政由甯氏祭則寡人神廟亦矚目不言者久之先是仁聖陳老娘二在時凡遇節令聞必恭請兩宮聖母於乾清宮大殿陞座神廟先在

雲臺門之朝北立侯仁聖老娘。轎至景運門慈聖老娘。轎至隆宗門神廟即居中朝北跪接侯兩轎俱至乾清門方起中宮王娘。扶請仁聖老娘。皇貴妃鄭娘。扶請慈聖老娘。入宮少憇陞座神廟。遞酒擺膳下氣怡聲膝行叩拜周旋中禮傾心孺慕。從來古今帝王聖孝所希覲也。神廟又自設玉熙宮近侍三百餘員學官戲外戲凡聖駕陞座則承應之。劉榮其一也。又蔡學等四十餘人多怙寵不法自萬曆己亥秋俱下北鎮撫司獄。至庚申秋光廟始釋。然庚死者已什之三四也。此二處不隸鐘鼓司而時道有寵與暖殿相亞焉。

寶鈔司掌印太監一員管理僉書十餘員掌司監工。數十員每年工部商人辦納稻草石灰木柴若干萬斤。又香油四十五斤以爲膏車軸之用。抄造草紙。豎不足二尺濶不足三尺。各用簾成一張。即以獨輪小車運赴平地晒乾。類摠入庫。每歲進宮中備宮人使。

用至於聖上所用草紙則係內官監紙房製造淡黃色綿軟細厚裁方可三寸餘進交管爭近侍收非此司造也神廟至先帝惟市買杭州好草紙用之祖宗時造鈔印板及紅印聞其在庫中貯理其衙門左臨河後倚河有砲稻草池而每年池中瀝出石灰草渣二百餘年陸續堆積竟成一卧象之形名曰象山有作評房七十二間各具一竈突朝天名曰七十二克神凡空濶土地最宜種蔬今畦圃綿亘桔槔相聞若田家清野之象云

混堂司掌印太監一員僉書監工數員職司沐浴堂子惜薪司月給柴薪內官監撥有夫役今事皆廢弛凡內官皆於皇城外有堂子之佛寺內沐浴有選不中的淨身男子俗稱無名白即古之私白者爲之擦澡討賞該寺僧擅其利而無名白分其餘潤故內官全不來司沐浴也

銀作局掌印太監一員管理僉書數員寫字監工數

十員專管造金銀鐸針枝箇挑杖金銀錢金銀豆葉
等豆者圓珠重一錢或三五分不等豆葉則方片其
重亦如豆不拘以備欵賞之用又造花銀每錠十兩
不等止可八成許又祖宗舊制有票兒銀者重十兩
伍兩三兩二兩一兩至一錢之方塊也其成色止有
六七成上有分兩印子逆賢擅政時久廢不造止以
細絲銀鑿賞遂失祖宗節省之意可惜甚焉
浣衣局掌印太監一員僉書等數十員惟此署不在

皇城內在德勝門迤西俗所稱聚家房者是也凡宮
人年老及有罪退廢者發此局居住內官監例有供
給米鹽待其自斃以防洩漏大內之事法至善也天
啓七年十一月客氏笞死於此
兵仗局掌印太監一員管理僉書十餘員軍器庫提
督一員掌關防掌司一員掌司寫字監工數十員職
掌成造鎗刀劔戟鞭斧盔甲弓矢各樣大小神器又
火藥局一處當之宮中元宵上鰲山頂上之燈例點

放神器三位則監工事也凡每年七夕宮中乞巧小針并御前鐵鎖鑰鉗針剪之類及日月蝕救護鑼鼓響器宮中做法事鐘鼓鏡鏡法器皆隸之是以亦稱爲小御用監也逆賢擅政時凡解寧遠皮島寺處登貢佛郎机等件本局中爲多

巾帽局掌印太監一員管理僉書掌司監工數十員職掌內官長隨內使小火者平巾官帽每年入夏據見在員數具題移文工部至冬初即于節慎庫領銀

十餘萬兩鑿散內官內使人等靴料凡有羨餘繳進御前凡新陞秉筆即送朝衣冠笏帶鞋一分凡選中駙馬冠靴中使之家正帽闌者之猪嘴帽揀柳跑馬勇士之圓帽藩王之國其旗尉靴冠帽帶若干分皆本局造送之奏于工部支領工價其署後臨河有梓潼帝君廟傳云神像是順流漂入至此不動遂建祠祀之籤最靈

針工局掌印太監一員餘與巾帽局同職掌內官長

隨內使小火者冬衣夏衣每年遞散一次遇辰年戌年冬散舖蓋銀一次凡宮中做法事揚幡桌圍等件皆隸焉凡內官曾賜蟒衣退出宮及病故者各具本交還本局收

內織染局掌印太監一員總理僉書掌司寫字監工數十員掌染造御用天宮內應用段疋絹帛之類有外廠在朝陽門外潯濯袍服之所又有藍靛廠在都城之西亦本局之外署也萬曆三十六年始建西項

娘廟於此其地素窪下時都中有狂人倡爲進土之說凡男婦不論貴賤筐擔車運或囊盛馬馱絡繹如織以徵福焉甚而處女豔婦藉此機會以恣遊觀咸坐二人小轎而懷中抱一土袋隨此香紙以往進之可笑也此先監沒後光景也又數年神廟宮中偶與棹糲城之戲於御前十餘步外界畫一方城於城內斜正十字分作八城挨馬十兩至三兩止令司禮監掌印掌東廠秉筆及管事牌子遞以銀豆葉八寶

投之落于其城即昭數賞之若落迸城外及壓線者
便收其所擲焉至戊午年遂有
失撫順開原等處此戲始不作也
之變

酒醋麩局掌印太監一員管理等官與別局相若也
職掌內官宮人食用酒醋麩糖諸物浙江等處歲供
糯米小麦黃豆及穀草稻皮白麩有差以備御前官
養及各衙門內官之用與御隔房不相統轄

司苑局掌印太監一員管理等官同前職掌宮中諸
處蔬果及種藝之事歲用黑豆穀草山東等處歲供
之御前所用瓜菜茶料俱此局與林衡等署上林苑
海子同備辦之已上總謂之曰二十四衙門惟浣衣
局在皇城之外也

內府供用庫掌印太監一員總理管理僉書掌司馬
字監工共百餘員專司皇城内二十四衙門山陵等
處內官食米每員每月四斗神廟時張明掌此印插
稻子或爛米甚而至有二斗半者孫成掌此印將天

堆之米亦罄者有油庫蠟庫等處廳前懸木魚一尾長可三尺許以不有餘糧之意後庫上有瓦鴿子一相傳已久不知何所取意也凡御用白蠟黃蠟沉香等香皆取办於此庫其印非九重倚毗最有寵眷者不得掌也司礼掌印掌東廠秉筆管事牌子等歲賜祿米各以於季冬奏過給散之宮中各長街設有路燈以石爲座銅爲樓銅絲爲門壁每日晚內府庫監工添油點燈以便巡看閑防逆賢擅政則盡廢弛以便冥行無敢言者矣

司鑰庫掌印太監一員管理僉書寫字監工可數十員凡寶源局等處鑄出制錢該部進交本庫備御前取討賞賜之用庫中積有歷代古錢洪武以來大錢逆賢擅政引蕞先帝濫賜左右幾無孑遺一日御前舊錢內偶得天啓錢大小數枚色甚古徧問人知者李永貞到直房向纍臣說之纍臣隨告假沐浴到外直房於史內尺表氏叢書三篇等書內查出梁蕭莊

魏元法僧并南詔俱曾有此年號及萬歲爺共四矣
此進擬年號之宰相不多讀書之明驗也惜繫臣身
爲人役不能親到御前奏對而及以此爲招妬之媒
豈非命耶凡乾清寺門及午門東華門寺門鑰匙皆
本庫監工於五更三點時自宮中發出分啓各門其
鑰即便繳回其印文曰司關庫即俗名曰天財庫
內承運庫掌印太監一員近侍僉書太監十餘員掌
司寫字監工數十員其署在東下馬門其職掌庫藏

在宮內者曰內東裕庫曰寶藏庫皆謂之裏庫其會
極門寶善門迤東一帶及南城磁器寺庫者皆謂之
外庫也凡金銀紗羅紵絲閃色織金錦羊絨玉帶玉
塊象牙瑪瑙寶石珍珠珊瑚之類摠隸之又浙江等
處每歲夏秋麥米共折銀一百一萬有奇即國初所
謂折糧銀今所謂金花銀是也侯解到京於每年仲
月由長安石門入徑進本庫交收此印及真殿監印
鐘鼓司印混堂司印靈臺印皆本衙門第一員僉書

揆掌不係貴近內臣掌至崇禎三年冬董實事發之
後此印便改以貴近臣掌也凡內官陞玉帶即於本
庫領取及褫降病故其名下官人仍具本交還更須
許多繁費近年奉旨陞玉帶者亦如外臣自備殊公
私兩便也南京供應机房太監一員則本庫外差有
勅諭關防所謂漢臣織造是也其署漢庶人高煦遺
址

靈臺掌印太監一員近侍僉書數員看時刻近侍三
十餘員學習教十員凡遇收選官人則撥三四十名
年幼者讀步天歌陰陽雜流天官星曆等書習寫算
觀星氣輪流上臺以候測變異呈稟掌印具呈司禮
監掌印據寔奏聞其占候書曰觀象玩占曰流星撮
要等書皆抄謄授受不敢傳布于外世雖有抄本玩
占多差訛不全未足信也其教法極嚴比司禮監書
堂之學規稟肅實効爲優勝云每年曆樣造曆係靈
臺欽天監公同經營

御酒房提督太監一員僉書數員專造竹葉青等各
樣酒并糟瓜茄惟乾豆豉最佳外廷不易得也

牲口房提督太監一員僉書數員收養異獸珍禽有
虎城羊房

彈子房掌房一員僉書數員專備彈弓所用泥彈大
小輕重各有等第以黃布作袋盛之

刻漏房官十數員不隸靈臺專管每日時刻畫則文
華殿後每一時至即令直殿監官入宮換牌每夜攢

點後至天明則隆宗門外報幾刻水之第一聲而答
應長隨接報第一聲如某時初一至初四某時正一
至正四之類爲接班起早之候也

更鼓房凡有罪內臣謫司其事挨年久者一員予牌
帽搃之平巾烏木牌者數人佐之凡逆賢殺人皆牌
子侯得用下手今死矣餘者曰二牌曰定水牌子其
餘則爭軍每夜五名輪流上玄武門樓打更音每夜
自一更三點起至五更三點止按數日用藤絳擊鼓

用檀木榔頭擊點者銅鑄之大雲板也例只一更一人上樓不許携燈晴夜尚可惟風雨晦冥苦不可言如有錯誤即責處之

甜食房掌房內官一員協同內官數十員經手習學造办虎眼苜糖裁松餅滅燥苜樣一切甜食於內官盃內討戢金盃裝盛進安御前兼備進賜各宮又欽賜閣臣等項其造法器具皆內官自行經手絕不令人見之是以絲窩虎眼糖外廷最爲珍味又七月十

五日進獻波羅蜜亦所造也

繚作即洗掌作內官一員協同內官數十員經手習

學織造各色兜羅絨各色五毒苜繚花素勤甲板繚及內官長隨小大者牌總繚惟兜羅絨織法傳自西域外無敢私織者甜食房并此廠皆屬御用監轄最寒苦可憫

裏草欄草場在皇城內東北隅御馬監大門之南永樂初年建收料豆至宣德年間將中府草場之草分

受始立場有倉廩也

中府草場即舊都在東安門外姦子府街永樂初創

收馬草傳云是勝國時都督府故名

天師庵草場在皇城東北角正統年間以張天師

舊處改建故名墻外有井甘冽可用不減十王府街

之甘也已上共謂之三場隸御馬監各有掌廠太監

一員貼場一二十員僉書數十員或百餘員

甲字庫職掌銀硃烏梅靛花黃丹綠礬紫草明礬光

粉黑鉛水膠槐花藍靛五倍子濶白三梭布綿花布

苧布紅花水銀礪砂藤黃茜草薑黃蜜陀僧礪砂白

芡梔子百藥煎之類皆浙江等省歲供納之以備御

用寺監奏准取討

乙字庫職掌奏本紙藥榜紙中夾寺紙各省解到胖

襖以備各項奏准領取

丙字庫每歲浙江辦納本色絲綿合六絲串五絲荒

絲以備各項奏討而山東河南順天寺府歲納棉花

絨則內官之冬衣軍士之布花咸取備於此

丁字庫每歲浙江等處辦納生漆桐油紅黃熟銅白
蔴檫蔴黃蠟錫牛筋黃牛皮麂皮鐵泉魚膠白圓藤
生熟建鐵等件以備御用監內官監等奏准支給
戊字庫職掌河南等處解到盔甲弓箭刀及廢鐵以
備奏准支給

承運庫職掌浙江四川湖廣等省黃白生絹以備奏
討欵賞人并內官冬衣樂舞生淨衣等項用

廣盈庫職掌黃紅等色平羅熟絹玄色等色杭紗及
青細綿布以備奏討

廣惠庫職掌絲織帕梳攏抵刷錢貫鈔錠之類以備
取討

廣積庫職掌盆淨焰硝熟硫黃聽盔甲廠等處成造
火藥凡京營春秋操演咸取給於此

贓罰庫職掌沒官衣物等件或作價抵俸給官已上
總謂之曰十庫各有掌庫一員貼庫數員僉書數十

員不等然庫自戊字之後不全用十千者已者已也
止也是以不得不用別名也逆賢自甲字庫出身
惟倚任李宗政爲掌庫餘九庫聽宗政指揮先帝時
凡宮中喜慶及萬壽聖節御馬監三草場并此十庫
俱隨內宮閔鎖銀鐸針枝箇比別者外衙門示優典
焉復奏討閔防令掌場掌庫者掌之其篆文一行直
下不過曰某字庫某草場閔防而已萬曆時在京親
藩如潞王福王先帝時在京親藩如瑞王惠王桂王
各府承奉寺官止有食米冬衣靴料惟天啓年間今
上信卽承奉寺官亦俱隨宮內閔賞蓋先帝友于至
誼祖宗以來所希有也

漢經厰釋典具宗教兩門而誦經持咒觀薰群生蓋
又度世津梁必不可缺者我二祖列宗咸多御製序
文隆重佛典自宮壺藩封以逮學士大夫近而村氓
里婦遠則邊寒罔不藉佛法以寓勸化布經典
以堅款貢以示羈縻祖宗在宥孝侍兩宮聖母琳宮

梵刹徧峙郊圻丹籙梵文無遠弗屆皇城內舊設有漢經廠內臣若干員每遇收選官人則撥給數十名習念釋氏諸品經懺其持戒與否則聽人自便如遇萬壽聖節正旦中元等節於宮內啓建道場遣內大臣瞻禮揚幡掛榜如外之應付僧人一級其僧伽帽袈裟緇色衣亦與僧人同惟不剃髮耳事畢焚化圓滿後仍各易內臣服色神廟曾選擇經典精熟心行老成持齋者數員教習宮女數十人亦能于各宮佛

前作法事行香念經若尼姑也又萬曆初年馮太監保掌司禮監印時輔臣則張江陵居正也特款貢伊始宣大巡撫移咨言求佛經江陵以書答撫臣曰王求經求僧凡悔惡歸善之一机也南北數百萬生靈之命皆係於此天祐中華故使虎狼梟獍皆知淨修善業皈依三寶我聖所謂佛氏之教陰翊王度不虛哉孔曹准公咨即可題請不必另疏但今在京番僧皆溷濁淫穢之流不通釋典遣去恐爲人所輕耳

所求佛經須有我聖祖御製序文者乃可與之公可
特作此書諭王嘉其善念典爲開尊示之以三塗六
道之苦誘之以人天福果之說及念珠坐具之類亦
可稍少裁與俾益其向化之心則亦調伏凶人一大
机括也聖人之道苟可以利濟生民隨俗用其教可
也何必先王禮祭法度而後爲哉此萬曆初年事也
至三十年後於西直門外青龍橋萬壽寺建大鐘樓
懸大鐘一口鐘鑄楷書佛經樣式淳古聲音洪大可
聞數十餘里是時雨暘時若香火豐足此鐘晝夜撞
不絕聲云十萬八千杵至天啓年間即停廢不撞今
不知鐘存何處也繫臣少時讀通鑑節要中揚節潘
氏榮搃論及宋儒崇極厭憎釋教以爲
惑世誣民最宜擯絕者後恭親列聖御製諸經序文
及舊唐書太宗文皇帝奉紀所載貞觀三年十二月
癸丑詔建義以來交兵之處爲義士勇夫殞身戎陣
者各立一寺命虞世南李百藥褚亮顏師古岑文本

許敬宗朱子奢寺爲之碑銘以紀功業又初學記載
此詔文曰有隋失道九服沸騰朕親提元戎致茲明
罰誓收登降曾無寧歲其有桀犬嬰此湯羅銜鬚義
憤終乎握節各徇所奉咸有可嘉日往月來逝川斯
遠雖復項籍放命封樹紀以立墳紀信捐生丹素著
於圓象猶恐九泉之下尚淪鼎鑊八難之問永纏冰
炭愀然疚懷用忘興寢所以樹其福田濟其營魄可
於建義以來交兵之處爲義士凶徒殞身戎陣者各
建寺刹招延勝侶望法鼓所振變災火於青蓮青梵
所聞易苦海於甘露所司其量定處所並立寺名支
配僧徒及修院宇具爲事條以聞稱朕哀矜之意按
今都城宣武門外之憫忠寺實其一焉寺有唐刻石
碑係蘇靈芝書傳爲李北海筆然有史思明字樣則
非貞觀時碑可知纍臣自崇禎戊辰秋斷絕葷酒飯
依釋教又誦金剛等經又得詳味雲棲蓮池大師所
纂弥陀疏抄菩薩戒發隱等編咸歎服釋教宏博誠

暗助聖朝治化不淺或在至戚密友苦口勸戒所不能感格之人彼或自己於內典發露真可使神懍汗流至壬申春山東巡撫余公大成者博山大師弟子也因孔有德之變逮獄繫臣得待座側俛蒙指教且云我聖朝大明會典所載每月禁刑十日即十齋期也凡未能長齋者先習十齋或歲加正五九月誠循循誘掖後人慈悲方便門也回想潘氏摠論誤初學甚深是以儒生與釋子猶水火焉至學博識定得君

行道如江陵張相國即

之凶殘獷鷲尚頌經化

尊在我中華衣冠文物之輩又當何如以指成就哉
治世法與出世法即儒門成已成物用舍行藏之義
凡具慧性上根法器之人當終有憬然覺悟翻然自
悔懺改者為摠憲唐公世濟長男元竑於萬曆乙卯
中浙江鄉試持齋二十餘年甘心恬退推精禪學亦
博山大師弟子也甲戌冬唐自留都召北任摠憲元
竑因慮日久年衰曾刺血寫家書勸唐辭官唐不聽

也丙子秋由宣鎮東北獨石拆墻入犯潛從天壽山
後柳溝深入踰皇陵陷昌平薄都城殘掠畿輔竟飽
颺去其冬奉旨朝官各奉素具邊材者唐薦及霍維
華奉旨逮唐獄元竑聞之號泣奔北無可奈何遂復
斷藍豉持自齋刺血寫金剛等經二函叩佛祈祐丁
丑夏部擬唐戍奉旨俞允以唐素有清名也唐亦不
知維華在南抱病於丁丑正月間已客死戍所也
番經廠習念西方梵唄經咒宮中英華殿所供西番

佛像皆陳設近侍司其燈燭香火其隆德殿欽安殿
香火亦各有陳設近侍也凡做好事則懸設幡榜推
此番經藏廠仍立監齋神於門傍本廠內官皆戴番
僧帽穿紅袍黃領黃襪腰一朶日或三晝夜圓滿掃
砂萬曆時每遇八月中旬神廟萬壽聖節番經廠雖
在英華殿做好事然地方狹隘於隆德殿大門之外
內跳步叱而執經誦念梵唄者十餘人粧韋馱像合
掌捧杵向北立者一人御馬監等衙門捧活牛黑犬

團侍者十餘人而習學番經跳步叱者數十人各戴
方頂笠穿五色大袖袍身披纓絡一人在前吹大法
螺一人在後執大鑼餘皆左持有柄圓鼓右執彎槌
齊擊之緩急疎密各有節奏按五色方位魚貫而進
視五方五色傘蓋下誦經者以進退若舞焉跳三四
個時辰方畢神廟時亦選老成有行者教宮女數人
亦如漢經厰能做法事惟弓足不能跳步叱耳監齋
神者傀儡體制法真盃甲器械高與人等猶門神焉
而面黑豎髮靈威可怖於本殿門宮門安之凡做好
事畢即收於本殿庫中一夕有盜入庫神施法禁不
能行托夢於看庫內官曰庫內有賊我替你拿住了
天明果然是以人皆畏之凡食驢肉者絕不敢入殿
入則必有意外灾咎凡食牛犬肉者亦不入隆德殿
欽安殿蓋亦頗著靈驗人不敢犯也英華殿前菩提
樹二株結子可作念珠詞臣張士範倡謹附載之其
序曰大內西北之隅建有英華殿一處殿前菩提樹

二株聞係九蓮菩薩慈聖皇祖母所植樹叢生高二
丈餘枝幹婆娑下垂至地儼若佛菩薩慈悲接引衆
生也者盛暑開花作黃金色鼻觀時有異香葉如
揪子不從花得乃生於葉之背雙若綴明珠似借
空花喻世幻起色香佛果別成非閔生滅時見菩提
身而爲說法者秋深葉墮如時飄颻水菴拾作念珠
較南產者惜不甚大然色黃潤而分瓣之線色微白
名衲多寶之如得未曾有神廟以聖母上賓奉御容
於樹之東北別殿值朔望令節即親詣行礼每仰瞻
双樹若有栝捲之思焉因上尊號曰九蓮菩薩云偶
禪持以此珠作施脩述其詳如此臣士範敬撰小偈
以代頌言英華殿前菩提樹淨土移來飽霜露借問
當年種者誰植以九蓮菩提故托根不與凡卉同花
作黃金欲逆風婆娑蔭覆人天界馥郁香飄帝釋宮
香飄蔭覆超塵劫培得本枝千萬葉明珠每葉寶離
離佛子繩相續接秋深其葉滿階鋪會得西來意

旨無分明舍利人恣取綴作人間念佛珠念茲在茲
指其掌拳勿失非閑想常得法雨潤心田洗濯菩
提日日長果證三生不記春化生菩薩萬億身萬億
之身一身是九蓮菩薩寧異人是則名爲慈聖母九
品蓮花爲上首即心即母即菩提菩提不朽母不朽
菩提即母定承歡誰道衆生見母難寄語恒河諸佛
子莫把菩提作樹看翰林院侍講張士範恭識初萬
曆元年四月順義王俺答奏選得金字番經並喇麻

僧爲傳誦經典禮部通行順天府造金字經三部舊
字經四部黑字經五部選得番僧堅日早回母淹滯
生蒙神廟報可至十一月禮部覆看督臣王崇古之
請給俺答佛像番僧經賞前去傳經番僧二人禪衣
坐具紵絲番僧衣并靴襪授在番僧九人官仍給禪
衣坐具僧帽及給其番官四人絲段
道經殿演習玄教諸品經懺凡建醮做好事亦於隆
德殿欽安殿懸幡掛榜如外之羽流服色而雲璈清

雅儼若仙音萬曆五年十月戊子彗星見西南神廟以星變特諭禮部建醮於朝天宮三日仍徧告各宮廟至二十六年鼎建乾清坤寧兩宮勅先監矩總督工程每月初四日即同閣臣九卿入宮閱視一次至三十一年工始告成勅正一嗣教大真人張國祥即張天師也率領道侶數十員於乾清宮大殿啓建黃籙大醮若干日香燭輝煌齋供精美儀文隆脩世所罕見至第三日午時有白鶴千餘於兩宮之上飛鳴

旋繞移時方散無不贊歎聖誠感格玄穹鑒臨羣內臣仰視空中之鶴者如堵有小近侍王昇者其口大能容拳亦隨衆挨擠真人一見即曰這孽畜躲在這裡了云昇是得道大蝦蟆初化生之人也凡朝天寺宮廟奏事印道經廠代爲轉奏護國寺寺寺奏事即漢經廠番經廠代爲轉奏其道經廠林朝者泰昌元年八月內陞乾清宮管事王太監安極器重之改復原姓魏陞天壽山某陵神宮監掌印太監後被逆賢

害死初神廟亦欲選宮女數十人令教習玄教爲女
道士而掌壇內臣李昇白忠林朝執奏曰不可佛教
慈悲凡此微簡褻尚或耽待若玄教諸神天將恐女
子無知惹咎不便是以中止共謂之曰三經廠每遇
收選官人各撥數十人隸之凡做好事一末日或三
晝夜五晝夜七晝夜各有欵賞錢欵爲觀一搃事畢
易服叩頭謝恩凡三經廠將做好事之前須先頌音
意傳各衙門答應錢糧其所誦經卷所費紙劄司禮

監也桌檯香爐紙鑪寺件內官監也鈴杵寺件御用
監也藩桌圍針工局也拜單幃幙傘司設監也香燭
油米內府供用庫也炭餅紫炭惜薪司也齋供飲食
尚膳監也鐘磬鑼鼓鏡鏡鈇仗局也凡遇癸亥神廟
景命三經廠各做好事一末日遣管事牌子瞻禮凡
做好事則司禮監掌印掌東廠秉筆管事牌子各進
素盒十二副或八副點茶每廠掌廠太監一員貼廠
各司房數十員於各衙門帶衙惟番經廠韓長老神

廟極所信禮稱長老而不名又王定安清修能琴爲
先監所器重云

南海子柳苑總督太監一員閔防一員提督太監四
員管理僉書掌司監工數十員分東西南北四圍每
面分四十里總二十四舖各有看守墻舖牌子淨軍

若干人東安門外有菜廠一處是其在京之外署也
職掌壽鹿獐兔菜蔬西瓜菓子凡收選內官於禮部
大堂同欽差司禮監之官選中時由部之後門到此

廠過一宿次日早晨點入東安門赴內官監又細選
無違碍者方給烏木牌候收畢請旨定日差司禮監
掌印或秉筆于萬歲山前撥散

林檎署蕃毓署嘉蔬署良牧署提督太監一員各有
掌署官一員貼署僉書數員職掌進宮川芎雜菜栽
培樹林鷄黃鴨蛋小猪等項

織染所掌閔防太監一員僉書十餘員職掌內承運
所用色絹無署向南在德勝門裡三座橋之北內有

空地堪爲園囿其染成之絹赴內承運庫交納此所
二部亦有監督有所大使有供辦顏料諸項商人此
所不隸內織染局

監甲廠御鞍建署于都城内之東南隅掌廠太監一

員貼廠僉書數十員轄匠頭九十名小匠若干名專

管營造鐵盔甲銃砲弓矢火藥之類萬曆年間火藥

忽災者再其三十三年九月丙申時忽響一聲起

烟如靈芝燒死京營領藥把總等官九員軍人六十

三名重傷者二十一名毀房屋若干間禮科蕭近高

所題燒死不下數百人尺于工部領銀一萬兩則此

廠六千王恭廠四千分造之工部主事一員監督之

近年因東西南北不便復增主事一員各監督之崇

禎甲戌九月初七日天明時忽震響一聲損房屋人

甚多將製火藥石礮遠拋于泡子河城墻下又一石

礮自空中落于民家屋上打透至炕而炕上所卧小

孩不知何因在地無恙又一人繫掛于梁上頭與脚

下垂止有皮無衣無肉骨形比生時頗增長許多是日也本廠匠頭蔡承祿號小泉家出殯其人頗富侈實器咸用真正綾絹爲之延優倡扮十二寡婦征西寺故事又製火人火馬十匹各以起火紙炮縛徧人馬身上點着藥線馳跑則起火四飛紙炮雖迸響而人不傷是日之變人多云蔡家所致凡附近寺廟正殿多未震動而配殿概損也有一吳年兒者素以食物入廠貨賣此晨已擔入忽覺眼黑耳畔亦畧聞有此微響聲移時始醒開眼視之則身立泡子河橋上不知得何神佑而無恙也又有一賣肥皂者素在崇文門裏賣後改于門外賣是時偶入城索債被響震死於姜百戶門首肥皂箱油粉狼藉見者無不悚懼奉旨將掌廠直日內臣賀堯年寺監督主事蔡宸思逮獄薄懲之

安民廠舊名王恭廠建署於都城之西南隅掌廠太監一員貼廠僉書十餘員轄匠頭六十名小匠若干名營

營造錢糧與盪甲廠天啓六年五月初六日辰時忽
大震一聲烈踰急震將大樹二十餘株拔出土根或
向上而稍或向下又有坑深數丈烟雲直上亦如靈
芝滾沸向東北自西安門一帶皆霏落鐵渣如焚如
米者移時方止嗅之火藥氣自宣武街迤西刑部街
迤南將近廠房至猝然傾倒如踐踏者木土在上而
瓦在下殺有名姓者幾千人而閤戶死及不知姓名
者又不知幾千餘人也凡冊平房屋鑪中之火皆滅

只賣酒張四家兩三間之木箔焚然其餘了無燒燬
凡死者肢體多不全不論男女盡皆裸體未死者亦
或震禡其衣帽焉真從來未有之變也遂改卜於西
直門街北建廠先帝賜名曰安民并盪甲廠皆鑄銅
関防以給之重軍需也王恭廠舊址兵部尚書馮嘉
會題改爲戎政署凡在西會議兵事即共集面計甚
便而崇禎辛未戎政尚書閔夢得設處錢糧脩理捐
捧完局云近日造火藥偏窄遂於宣武門街儘北頭

街西分創新火藥局一處又安定門裏東絳兒衚衕
舊設鎗局一處係京營官軍自兩廠領出火藥併神
噐堆積以便教場取用者崇禎戊寅四月初五日郊
時新火藥局忽震一聲損壞房屋人民許多至六月
初二日午時安民廠亦大震略減於天啓六年五月
時也八月初七日郊時鎗局復大震且延燬草若干
塚其湧起之煙各如靈芝如潮浪如雲如雪移時方
散聖明極矜憐之發御前銀分賑司禮監掌印曹太

監化淳皆親詣傷處驗看復施棺施蓆殮埋是歲頗
早至庚辰四月初一日午時宣武門外所設新局造
火藥處復響一聲損人命房屋甚多

西山墳陵各有掌府官一員僉書十餘員不等以供修
理洒掃香守香火凡有祭祀即本處掌府官行禮
京城內外寺廟各有燒香內官十餘員不寺及東西
捨飯寺亦各有內官數十員咸因年老有病退居於
此止給本身柴米冬衣靴料以終殘年此祖宗以來

養之澤周詳備至者也

安樂堂在安門裏掌房官一員掌司數十員凡在裏內官長隨內使小火者有病便送此處醫治痊可之日重謝房主銷假供職如不幸病故則各有送終內官啓銅符出北安門內官監給棺木板惜薪司給焚化柴招至淨樂堂焚化皆祖宗爲中官始終之大恩也萬曆時堂內一屋有兩人養病一人已死身旁無所有止有一銅盆被未死者力疾下林將盆藏之死

者之家人名下徧尋盆不得而藏盆者不久亦氣絕比殮時則盆覆于被內腹下蓋內臣性貪苟得至死不二遂傳爲笑柄云繫臣目擊陋習心頗不甘因發三大願一曰不教戲實不忍將民間幼男買來付南人教習賣財耗力以供人耳目之樂終致戲散流落失所者多二曰不蓋房寔不忍隨世俗陋套頻與土木取片時之得意失寒素之本色三曰不受故官財產是以先監陳坐化常太監雲病逝李公永貞死後

繫臣所分遺念堪付一笑凡內臣稍富厚有力者咸預先損貲約期擺酒劓老衣會棺木會壽地會於義會館中念經殯葬以爲身後眼目之榮
淨樂堂在西直門闕外亦有內官數人經營凡宮女內官無親屬者死後于此焚化堂有東西二塔：下有皆井皆盛貯骨灰之所猶唐之宮人斜也客氏筓死焚此

內安樂堂在金鰲玉竦橋西櫺星門迤北羊房夾道

有掌司提其事者二三十人凡宮人有病及年老或有罪先發此處待年久方再發外之浣衣局也成化年間憲廟皇貴妃萬娘：專寵孝穆皇后紀娘：覺有孕聞曾托病居此誕生孝廟爲中興聖帝云
內贊禮官巡街長隨凡宮中祭祀禮儀等事係贊禮官職掌如外之鴻臚寺爲其官十餘員自答應長隨選其動轉便利聲音洪亮儀表豐秀者爲之得穿紅圓領束金鑲帶此外又有巡街長隨亦自答應長隨

內歷棒寔挨戴平巾得穿青襖襪牙牌各輪流巡歷
地方有旗尉數人跟隨凡禁地有異言異服及喧嚷
犯禁者得詰而責之事大則開具連七紙手本名曰
事件呈稟司禮監奏處事小則責打逐出而已
答應長隨凡收入官人之始先選身軀偉壯有力者
百餘人分派大轎即搜頂方轎也小轎即明轎也并
傘扇等演習步驟凡遇謁廟朝講以至聖駕出外擡
弓箭賞賜等箱駕回各交原處俱在玄武門之東西


長庚門之外一帶廊下家住分各門共爨屬司禮監
轄平巾牙牌貼裏看守六科廊報水巡街禮儀房等
項皆從此中挨陞補選凡夜間那方有光亮便從宮
中門縫傳出急分差長隨找尋是何處失火登時回
話凡召對宣及欽賜大臣銀兩表裏羊酒瓜果等項
皆長隨齎送天下文武官各藩府進到表箋禮物皆
長隨收接捧進其爲首數員有官帽曰答應牌子即
司禮監奉御然不敢穿襖襪也祖宗以來凡雙月十

六日例有答應牌子前往教場比試武職應襲至逆
賢時欲令名下私人炫耀中外遂改差文書房或監
官輪換一人往也非舊制也

官下官占分兩班回撥小火者烏木牌平中遇陞一
級則內使烏木管宮中洒掃之事有力者免之

當差聽事兩班四撥內使小火者烏木牌戴平中有
總牌一名二牌三牌四牌各一名每撥餘者各數十
名專答應司禮監、官典簿人數凡出票拏人馬房

動刑裏外聽事房看守墩鎖淨軍皆其職掌猶外廷
之皂隸也夜則輪流叫火巡風隔風縫聽傳驅便極
勤苦忙迫可憐然間多騙詐嫖賭答應宮人不成人
貪忍無耻亦大與外廷廝役相似者六抵習俗移人
多被漸染不能特立成爲飢寒迫耳悲夫京城內外
十六門



Handwritten text in vertical columns, likely bleed-through from the reverse side of the page. The characters are faint and difficult to decipher, but appear to be in a traditional East Asian script.

